

文獻通考

卷之三

職官

二十四

內閣文庫		
五	二	漢
五	四	書
南	一	
	二	
八	三	
架	冊	號

內閣文庫		
二	二	漢
九	四	書
四	一	
三	二	
三	〇	
〇	三	
〇	〇	
架	冊	號

內閣文庫		
番號	漢	2430
冊數	120	(25)
函號	294	3



文獻通考卷六十

職官考

東宮官總叙

鄱陽 馬端臨 貴與 著

東宮官總叙

凡三王教世子必以禮樂樂所以修內禮所以修外


禮樂交錯於中發形於外是故其成也懌恭敬而溫

文甲心也立太傅少傅以養之欲其知父子君臣之

道也言養者積浸成長也太傅審父子君臣之道以示之少傅

奉世子以觀太傅之德行而審諭之太傅在前少傅

在後謂其在學時也入則有保出則有師謂燕居出入時也漢班彪上書曰昔



成王為孺子出則周公入則太顛是以教諭而

德成也師也者教之以事而諭諸德者也保也者慎

其身以輔翼之而歸諸道者也慎其身者謹安護之秦漢以下

始加置詹事中庶子及諸府寺等官亦有以他官而

監護者漢孝宣帝欲令中郎將監護太子家疏廣以

居承光宮以待御史种嵩監護有中常侍卒乘衣車

來載太子太子太傅高褒憂懼不能止開門將出而

無尺一何以得將太子去何知不與內寵姦臣共狹

邪謀今日之事有死而已乃遣自魏明帝以後久曠

東宮制度闕廢官司不具吳孫權即位孫登為太子

為左輔張休為右弼顧譚為輔正都尉陳袁晉初詹

為翼正都尉是為四友於是東宮號為多士

事左右率庶子中舍人諸官並未置惟置衛率令典

兵二傅并攝眾事至咸寧元年始置詹事以領官事

宋孝武置東宮率更令等官其中庶子庶子中舍人

舍人洗馬各減舊員之半後周加置太子諫議員四

人至隋罷詹事分東宮置門下坊典書坊北齊已有典書坊

以分統諸局北門下內門下坊有左庶子二人內舍

人四人錄事二人統司經官門內直典膳藥藏齊師

等六局典書坊有右庶子二人舍人通事舍人各八

人領內坊唐置詹事府以統眾務置左右二春坊

以領諸局龍朔二年改門下坊為左春坊典書坊為

右春坊咸亨初復舊景雲元年又改為之

左春坊置左庶子二人中允二人司議郎四人錄事  
二人左諭德一人左贊善大夫五人崇文館校書二  
人亦統六局六局之中唯改齊師為典設餘局名與隋同其六局長官唯司經置洗馬宮門置大夫餘各置監以局名冠之所職如其名龍朔中改宮門大夫及諸監並為郎遂為永制也右春坊置右庶子二人中舍人二人舍人四人錄事二人  
右諭德一人右贊善大夫五人通事舍人八人兼領  
內坊內坊置典內二人掌閤內諸事諸坊局小吏各有差因隋制也宋仍唐  
制東宮有六傳下至率更令僕右官存而無職司至  
道元年建儲闈置賓客二人左右庶子諭德中舍各  
一人並以他官兼克左右春坊鑄印置吏員及太子

登極則省春坊司累朝皆然真宗在東宮建堂習射  
名繼照堂有勾當官三人以諸司使及內侍克仁宗在東宮肄  
學建堂名資善堂有都監一人以入內侍都知押班克

太子六傳

太子師保二傳殷周已有逮乎列國秦亦有之孝公時南  
鞅設法黜太子師傳是也漢高帝以叔孫通為太子太傅位次太  
常後亦有少傅高帝東征為太子監關中兵謂張良曰子房雖病強卧而傳太子時叔孫通為太傅留侯行少傅事又疏廣字仲翁為太傅兄子俊為少傅父子並為師傳朝廷以為榮常玄成丙吉並為太傅又匡衡王丹並為少傅後漢太傅禮如師不領官屬而少  
傅主太子宫屬漢魏故事太子於二傅執弟子禮皆

爲書。不日令少傅稱臣而太傅不臣。吳薛綜綜子瑩瑩子兼三代並

爲太子晉太始三年武帝始建置東宮各置一人尚

未置詹事官。事無大小皆由二傅。少傅立草。太傅書

真。以爲儲訓。並有功曹主簿五官秩。與後漢同。皇太

子先拜。諸傅然後答之。如弟子事師之禮。二傅不得

上疏曲敬。武帝以儲副體尊。遂命諸公居之。以本位

重。故或行或領。時侍中任愷。武帝所親敬。復使領之

蓋一時之制也。咸康元年。以給事黃門侍郎楊珧爲

詹事。掌宮事。二傅不復領官屬。及楊珧爲衛將軍。領

少傅。復省詹事。遂崇廣博訓。命太尉賈克領太保。司

空齊王攸領太傅所置吏屬。復如舊。二傅皆進賢兩

梁冠。黑介幘。五時朝服。佩水蒼玉。晉令曰太子太保銀印青綬其

後太尉汝南王亮。車騎將軍楊駿。司空衛瓘。石鑿。皆

領傅保。猶不置詹事。以終武帝之代。惠帝元康元年。

復置詹事。二傅給菜田六頃。田騶五十人。夏後不及田者。食俸一年。又給赤耳安車各一乘。

又愨懷建宮。乃置六傅三太三少。以景帝諱師。故改

太師爲太帥。通省尚書事。詹事文書。關由六傅。職官要錄

曰晉太子六傅各有丞一人自元康之後。諸傅或三或四或六。渡

江之後。有太傅少傅。不立師保。宋有太傅少傅。各兼

丞一人。其保傅並銀章青綬。齊與宋同。武帝時。以王

儉為少傅。舊太子敬二傅同。至是朝議接少傅以賓

友之禮。梁太傅位視尚書令。少傅視左僕射。職官要錄曰三

少舊視左僕射陳因之。自宋以下。惟有傅而無師保。

後魏有太師太傅太保。謂之東宮三太。少師少傅少

保。謂之東宮三少。孝明在東宮。宣武皇帝欲以霍光

為太子師。傅光固辭。帝令太子南

面再拜。臣皆從。太子拜。光北面立。不敢答。北齊皆有

之。出則三師在前。二少在後。後周不置。隋與北齊同

唐。大傅不必備。唯其人。太子出則乘輅備儀。以為後

從。貞觀中。太宗撰太子接三師之儀。出殿門迎太子

先拜。三師答拜。每門讓三師坐。與三師書。前名惶恐

後名惶恐再拜。先天元年十二月詔東宮三師三少

罷能

宋朝師傅不當設。仁宗升儲。置三少各一人。李文定

公昉以參知政事兼掌賓客。及陛左相。遂進兼少傅。

此宰相兼官僚之所從始也。丁謂兼少師。馮拯兼少

傅。曹利用兼少保。是時實為東宮官。餘多以前宰執

為致仕官。若太子太師太傅太保。以待宰相官未至

僕射者。及樞密使致仕。亦隨本官高下除授。太子少

師少傅少保。以待前執政其少師非經顧命。不除。若

本官至尚書。即除少傅。丞郎給諫。只除少保。若因遷

轉則遞進一官。至太師卽遷司空矣。天禧末皇太子同聽政。乃以首相兼少師。樞密曹利用兼賓客。自後神宗欽宗。孝宗。光宗。在東宮皆不置。開禧三年。史同知彌遠。自詹事入樞府。乃進兼賓客。已而太子侍立。遂以錢丞相象祖兼太子少傅。明年景獻太子立。並置二相。錢左相。改兼少師。史右相。兼少傅。未幾右相丁內艱。左相亦去位。又明年右相起復。遂進兼少師焉。

太子賓客

漢高帝時有四人年老。以上慢侮。逃匿山中。義不為

漢臣謂之四皓。

東園公。綺里季。夏黃公。角里先生。

高帝不能致。及將

廢太子。太子迎四人至。侍從太子。鬚眉皓白。衣冠甚偉。高帝曰。既見煩公。幸卒護太子。太子由是不廢。至孝武帝。又為太子立博望苑。使通賓客。晉元康元年。閔懷太子始之東宮。惠帝詔曰。道幼蒙今出止東宮。雖賴師傅群賢之訓。其遊處左右。宜得正人。能相長益者。太保衛瓘。司空隴西王泰。太子太傅楊濟。太子少師裴楷。太子少傅華廙。各道義之門。有不肅之訓。其令五人更往來。與太子習數。備賓友也。其時雖非官。而謂之東宮賓客。皆選文義之士。以待皇儲。其後

無聞。唐顯慶元年正月以太子太傅兼侍中韓瑗中書令來濟禮部尚書許敬宗左僕射兼太子少師于志寧並為皇太子賓客遂為官員定置四人掌調護侍從規諫凡太子有賓客之事則為上齒蓋取象於四皓焉資位閑重其流不雜。天寶中賀知章自太子賓客度為道士還鄉捨宅為觀玄宗賦詩贈別時議榮之宋至道元年建儲乃置賓客二人以他官兼天禧四年參政任中正樞副錢惟演參政王曾並兼太子賓客執政兼東宮官自此始中興後賓客罕除開禧三年景憲太子立始以執政兼賓客後復省

太子詹事

詹事秦官。應劭曰詹省也給也漢因之掌皇后太子家。皇后太子各置詹事隨其所在以各官漢官曰詹事位長秋上亦在省主中諸官後漢志曰初成帝鴻嘉二年省詹事職

并大長秋是後皇后當法駕尚則中謁中官者職吏權兼詹事奉引訖罷官者誅後尚書選兼職吏一人奉引比皆皇后詹事也漢時太子門大夫庶子洗馬舍人皆屬二傅其太子家令丞率更令丞僕中盾衛率等官並屬詹事後漢省詹事而太子官悉屬少傅魏復置詹

事領東宮衆務晉不置至咸寧元年復置以掌官事。事具六傳篇及永康中復不置自大安以來又置終孝懷之代晉職擬尚書令掌三令四率中庶子庶子洗馬



舍人等官。銀印青綬。介憤。進賢兩梁冠。絳朝服。佩水

蒼玉。宋與晉同。齊置府領官屬。齊沈文季為太子詹事。梁陳任

總官朝。後魏有太子左右詹事。北齊東宮衆事無大

小皆統之。領三寺二坊。及左右衛。後周置太子宫正

宮尹。隋開皇初。置詹事。二年罷之。唐復置詹事府詹

事一人。掌內外衆務。糾彈非違。總判府事。置少詹事

一人以貳之。龍朔二年。改詹事為端尹。詹事府為少

詹事為少尹。咸通初。復舊。丞秦官。漢因之。後漢省。

魏。晉。隋。詹事省。置。至。晉。永康中。詹事特置丞一人。掌

文書。關通六傳。過江。多用員外郎。遷尚書郎。宋齊因

之。梁陳制一梁冠。阜朝服。銅印墨綬。後魏北齊並有

之。後魏楊昱字元畧為詹事丞。孝明為太子尚在懷

抱其所出入。唯乳母而已。不令官僚聞知。是諫曰

太子動止宜令翼從。陛下若召太子。必降手勅。令臣

下咸知。乃詔曰。自此已後。非朕手勅。勿令兒出宮。官

臣在直從。隋初置一人。唐置二人。掌文武官簿帳。朝

集假使。分判府事。主簿一人。晉始置。自後歷代皆有。唐因

之。掌付事。勾稽監印紙筆司直二人。唐龍朔三年。置

桂坊比御史臺。置令一人。比大夫。司直二人。比侍御

史。掌彈劾官府寮。其後廢桂坊。以司直隸詹事府。

宋東宮官有詹事。仁宗陞儲。置詹事二人。神宗。欽宗

升儲。並置二人。皆以他官兼。登位後省。乾道元年。莊

文太子立。置詹事二人。踰月。詔太子詹事。遇東宮講讀日。並往陪侍。七年。光宗正儲位。以敷文閣直學士王十朋。敷文閣待制陳良翰。爲太子詹事。不兼他官。非常制也。

### 太子庶子

中允	司議郎	中舍人
舍人	諭德	通事舍人
贊善	洗馬	崇文館學
文學	校書	官門等郎
正字	典膳	藥藏
內直	典設	

古者天子有庶子之官。周官謂之諸子職諸侯卿大夫之庶子。掌其戒令。與其教理。有大事則帥國子而致於太

子。惟所用之。秦因之。置中庶子庶子員。宋志云後漢

齊人鄒陽上疏云秦皇帝任中庶子漢因之。有庶子

員五人。史丹。王商。歐陽地。餘並爲中庶子。王莽改曰

後漢員五人。職如侍中。而庶子無員。職如三署中郎。

凡庶子主宮中。并諸吏之適子。及支庶版籍。魏因之。

在吳爲親近之官。晉中庶子庶子各四員。職比散

騎常侍。及中書監令。皆以俊茂者爲之。或以郡守參

選。鄭默爲中庶子朝廷以爲太子官屬宜稱陪臣默

上言皇太子體皇極之尊無私於天下宮臣皆受

命天朝不得同之藩國事遂施行又王珣啓以桓謙

爲中庶子曰東宮之選中庶子總管門下尤不可不

得其若釋奠中。庶子扶左。庶子扶右。宋與晉同武官

平巾幘絳朝服。元嘉初。詔二率中庶子隨太子入直上宮。十四年。又詔還直東宮。至齊其庶子用人卑雜。梁天監七年。詔革選其言。以太子中舍人司徒從事中郎爲之。凡中庶子四人。以功高者一人爲祭酒。行則負壘。前後部護駕。與功高中舍人一人共掌其坊之禁令。庶子四人。掌侍從左右。獻納得失。與功高通事舍人一人共掌其坊之禁令。冠服並同。前代陳因梁制。後魏亦有中庶子。庶子官北齊門下坊中庶子四人領之。典書坊庶子四人領之。隋分爲左右庶子各二人。分統門下典書二坊事。唐亦各二人分掌左

右春坊事。龍朔二年。改左右庶子爲左右中護。咸亨

初復舊。左擬侍中。而右擬中書令。貞觀中詔曰皇太子與百官書疏未

有制式近代以來例皆名目無以別貴賤今凡處分論事之書皇太子並宜稱令古庶子以下署各宜奏行書其餘與諸親及師傳等書不在此限中允司議郎司經洗馬文學校

書正字典膳藥臚內直。典設宮門等局郎丞崇文館

並屬右春坊。中舍人舍人。通事舍人並屬左春坊。其

諭德贊善亦左右分隸焉。

中允後漢太子官屬有之。職在中庶子下。洗馬上。漢

制太子五日一朝。其非朝日。即使僕及中允朝朝請

問起居。其後無聞。宋齊有中舍人。是其職也。唐貞觀

初改太子中舍人爲中允。置二員。其後復置中舍人。  
龍朔二年。又改中允爲左贊善大夫。咸亨元年。復爲  
中允。而左贊善仍置焉。中允掌侍從禮儀。駁正啓奏。  
并監藥及通判坊局事。若庶子闕。則監封題職。擬黃  
門侍郎。永徽三年。以皇太子諱忠。改爲內允。太子遜  
位。而官復舊。

司議郎。唐貞觀五年。皇太子上表請置史職。用司箴  
誡。乃於門下坊置太子司議郎四人。精選名士以居  
之。龍朔中。分爲左右。以左司議郎贊司議郎。以右司  
議郎贊舍人。咸亨初。復舊。掌侍從規諫。駁正啓奏。并

錄東宮記注。分判坊事。職擬給事中。

中舍人。晉咸寧初。置中舍人四人。以舍人才學之美  
者爲之。與中庶子共掌文翰。在中庶子下。洗馬上。晉

書爲中舍人

凡奏事文書皆綜典之。監和嘗藥。月檢奏直

人。梁時功高者一人。與中庶子祭酒共掌其坊之禁  
令。陳因之。後魏北齊並有之。隋曰內舍人。四員。屬門  
下坊。煬帝減二人。唐中舍人二員。掌侍從令書奏疏。  
通判坊事。擬中書侍郎。永徽三年。以皇太子諱忠。改  
爲內舍人。太子遜位。而官復舊。或謂之太子中書舍

人孝和實錄曰王友貞太子中書舍人

舍人奏官也。漢因之。比郎中。選良家子孫。晁錯鄭當時並為太子舍

人。後漢無員。更直宿衛。如三署郎中。凡帝初卽位。

未有太子。太子官屬皆罷。唯舍人不省。屬少府。魏因

之。晉有十六人。職比散騎中書侍郎。從駕則正直從。

次直守。妃出則次直從。宋有四人。齊有一人。梁有十

六人。掌文記。陳因梁制。後魏亦有之。北齊典書坊。置

二十人。隋典書坊有八人。煬帝改爲管記舍人。減四

員。唐復爲太子舍人四人。掌侍從表啓。宣行令旨。分

判坊事。龍朔二年。改爲右司議郎。咸亨元年。復舊。

通事舍人。齊中庶子屬官。有通事守舍人。庶子下有

內典書通事舍人二人。掌宣傳令旨。內外啓奏。梁亦

有之。視南臺御史。多以餘官兼職。陳因之。北齊門下

坊。有通事舍人八人。至隋亦有之。煬帝改爲宣令舍

人八員。唐復爲通事舍人。亦有八員。掌引導辭見。承

旨勞問。

左右諭德。龍朔三年。初置太子左右諭德各一員。掌

侍從贊諭。職比常侍。

左右贊善大夫。龍朔二年。初置左贊善大夫。替中允。

置右贊善大夫。替中舍人。咸亨元年。中允舍人復舊。

而贊善大夫別自爲官。左右各五人。皆掌侍從翊養。比諫議大夫。

崇文館學士。魏文帝始置崇文觀。以王肅爲祭酒。其後無聞。貞觀中置崇賢館。有學士直學士員。掌經籍圖書教授諸王。屬左春坊。龍朔二年。改司經局爲桂坊。管崇賢館而罷隸右春坊。無置文學四員。司直二員。司直正七品上職。爲東宮之憲司。府門北向。以象御史臺也。其後省桂坊。而崇賢又屬左春坊。後沛王賢爲皇太子。避其名。改爲崇文館。其學士例與弘文館同。

洗馬。秦官。漢亦曰先馬。

如淳曰前驅也。國語曰勿踐親爲天差洗馬。先或作送。

後漢員十六人。職如謁者。太子出則當直者前驅。導

威儀也。

漢選郎中補

安帝時。太子謁廟洗馬。高山冠非乘

從時着小冠。魏因之。晉有八人。職如謁者。准秘書郎。

集賢一梁冠。黑介幘。絳朝服。掌圖籍。釋奠講經。則掌

其事。餘後漢同。宋與晉同。齊置一人。梁有典經局。又

置八人掌文翰。尤爲清選。皆取甲族有才名者爲之。

位視通直郎。陳因之。北齊典經坊洗馬二人。隋曰司

經局。置洗馬四人。煬帝減二人。唐司經局洗馬二人。

龍朔二年。改洗馬爲司經大夫。三年。改司經局爲桂

坊。一云析司經局置桂坊。司經大夫通判坊事。罷隸左春坊。咸

亨初復舊。掌侍奉及經史圖籍判局事。文學。漢時郡

及王國。並有文學。而東宮無聞。魏武置太子文學。自

後並無。至後周建德三年。太子文學十人。後省。龍朔

三年置太子文學四員。屬桂坊。桂坊廢而屬司經。開

元中定制為三員。掌侍奉。分掌四部書判書功事。

校書。宋孝建中。洗馬有校書吏四人。自後無聞。北齊

有太子校書。隋太子校書有六人。唐四人。掌讎校經

籍。正字。隋太子正字二員。煬帝改為正書。唐復為正字。

亦置二人。掌刊正文字。

典膳郎。漢魏以來。並有太子食官局。至北齊門下坊。

始別置典膳局。有監丞各二人。隋如北齊之制。唐典

膳局。有郎二人。丞二人。郎掌進膳嘗食之事。丞貳之


乾封元年。皇太子久在內。不出典膳丞邢文偉請減膳。其年右史闕宰臣進擬數人。高宗曰。邢文偉。嫌我兒不讀書。不肯與肉。喫此人甚直。可用。遂拜焉。

藥臧郎。北齊門下坊領藥臧局。有監丞各二人。侍藥

四人。隋如北齊之制。唐藥臧局有郎二人。丞二人。郎

掌和齊醫藥之事。丞貳之。

內直郎。齊有太子內直。兵局內直。兵史二人。梁有直



內主壘主衣扶持等局。各置有司以丞其事。陳因之。  
北齊門下坊領殿內局。有內直監二人。副監四人。隋  
如北齊制。唐內直局。有郎二人。丞二人。掌符壘繖扇。  
几案衣服之事。丞貳之。

典設郎。南齊置居局。齊庫丞一人。梁齊內局。各置有  
司以丞其事。陳因之。北齊門下坊有齊師局。有太子  
齊師閣師各二人。隋如北齊制。唐典設局。有郎四人。  
掌凡大祭祀。湯沐洒掃鋪陳之事。

宮門郎。秦有太子門大夫。漢因之。員二人。漢官儀曰

四府職比郎將。漢官儀曰安帝時太子謂魏因之。晉

太子門大夫。准公車令。掌通箋表及宮門禁防。宋因  
之。梁代視謁者僕射。陳因之。北齊謂之門大夫。坊并  
統伶官。隋煬帝改門大夫為宮門監。唐初為宮門大  
夫。今門宮局有郎二人。丞二人。郎掌東宮殿門管鑰  
及啓之事。丞貳之。

宋制東宮官。有左右庶子。諭德。舊不常設。每儲闈之  
建。隨宜制官。以備寮案。多以他官兼領。仁宗神宗。升  
儲。庶子。諭德。各置二人。欽宗升儲。置一人。乾道中。庶  
子。諭德。除左不除右。七年。詔庶子。諭德。輪日入宮。仍  
同供職事。太子侍讀。侍講。唐太宗為秦王。府有侍



講及爲太子亦置焉。其後或置或否。開元初，十王宅引辭學子書者，入教亦爲侍讀，而無侍講。宋神宗升儲置侍講侍讀各一人。乾道七年，禮部太常言討論東宮開講儀，宮僚遇講讀，詹事以下至講讀官上堂，並用賓禮參見。如延英儀講罷復位，中舍人舍人至道、天禧建儲各置一人。神宗欽宗登儲位，皆置中興後省。嘉泰初，始除王元實。後以館職任伯起兼之。慶元令太子舍人與中舍人皆從七品，而中舍人又在舍人之上。然故事未嘗除資善堂。太中祥符八年，仁宗肄學始置。至紹興五年，孝宗以建國公就傅就

禁中置學館，建資善堂，以范冲、朱震爲翊善。舊制有翊善贊讀直講，中興以後增置說書小學教授。開禧初，皇子初封，榮王命程少逸、趙子中領贊讀，不稱王府，而以資善繫銜。蓋以未出閣之故。乾道七年，禮部太常寺言討論東宮開講，并節朔賀慶辭謝禮儀宮僚講讀，無已行故事。當依倣講筵，稍殺其禮。每遇講讀，詹事以下至講讀官上堂，並用賓禮參見。依官職序坐，皇太子正席，講讀官迭起。如延英儀講罷復位，節朔不受宮僚參賀。元日冬至，詹事以下牋賀謝辭，初以常見之禮，後離位致詞，復位就坐茶湯罷。詹

事初上參見皇太子拜。皇太子答拜。庶子等初上參見皇太子受拜。庶子諭德及講讀官。雖有坐受之禮。止是五禮新儀所載。兼日逐致拜之禮。近例皆已不行。或遇合致拜日。更不參酌。天禧至道故事。施行並從之。按天禧二年左庶子張士遜等言。臣等日請資善堂參見皇太子。雖令升階列拜。然後跪受。聖令皇太子坐受。參見詔不許。至道元年皇太子每見賓客。必先拜迎。送常降階及門。

太子家令

丞 主簿 倉官 署 典倉 署 司藏 署

家令。秦官屬詹事。服虔曰太子稱家故曰家令。漢因之。有丞主倉穀飲食。職似司農少府。漢代太子食湯沐邑十縣。家令主之。後漢則屬少傅。主倉穀飲食。魏因之。晉又兼

主刑獄穀貨飲食。職比廷尉司農少府。其家令率更令及僕為太子三卿。大康八年。進品與中庶子二率同。自漢至晉。家令在率更下。宋則居上。銅印墨綬。進賢兩梁冠絳朝服。主內茵褥床几諸供中之物。及官奴婢。月用錢庫內鹽米車牛刑獄。齊因之。自宋齊以來。清流者不為之。至梁天監六年。武帝以三卿陵替。乃詔革選家令。視常侍黃門。陳因之。後魏亦日三卿。北齊家令有功曹主簿。領食官典食司。蒞等三署。及領內坊令丞。隋掌刑法食膳倉庫奴婢等。煬帝改為司令府。唐復為家令。寺置家令一人。唯不主刑法。餘

與隋同。龍朔二年，改家令寺爲官府寺。家令爲官府大夫。咸亨初復舊。丞二人，主簿一人，領食官署典倉署司藏署。署令各一人，丞各二人。丞漢家令有丞，後無聞。宋舊云家令丞一人。晉置宋齊以後並有之。後周無。隋家令丞二人。唐因之。龍朔二年，改爲官府丞。咸亨元年復舊。掌判寺事。

主簿。晉家令有主簿。宋齊因之。自後無比齊家令有主簿員。隋亦然。唐因之。掌印并及勾舉。

食官署令丞。漢詹事屬官有食令長丞。後漢亦有而屬少傅主飲食。晉太子食官令職如太官令。宋則屬中庶子。齊則屬詹事。掌厨膳之事。梁食官局屬庶子。陳因之。後魏亦有。北齊有食官令丞，又別領器局酒局二丞。隋家令寺統食官令丞令一人，丞一人。唐因之。掌飲膳之事。

典倉署令。後漢太子倉令屬少傅。主倉穀。魏以下無聞。後魏有之。北齊家令寺領典倉署令丞。典倉署又別領園丞。隋家令寺統典倉令丞令一人，丞二人。唐因之。掌穀藏出納及醢醢庶羞之事。

司藏署令。晉家令有主物吏人。梁有錫賜庫局丞庶子。又有東宮衛庫丞。北齊家令寺領司藏署令丞司

藏又別領仗庫典作二局丞。隋家令統司藏署令一人。丞二人。唐因之。掌藏庫財貨營繕之事。

宋有主管左右春坊事二人。以內臣兼同主管左右春坊

事二人。以武臣兼承受官一人。以內侍兼仁宗神宗升儲位並

有之中興後。孝宗光宗正儲位及莊文景獻太子皆置其官。

太子率更令 丞 主簿

率更令。秦官。顏師古曰掌知漏刻故曰率更漢因之。有丞主簿庶子

舍人更直職。似光祿勳而屬詹事。後漢因之。後屬少

傅。魏因之。晉主宮殿門戶及賞罰事。職如光祿勳衛

尉而屬詹事。宋制銅印墨綬。進賢兩梁冠絳朝服。梁

陳後魏並有之。北齊領中盾署。掌周衛禁防漏刻鐘

鼓。亦屬詹事。隋掌伎樂漏刻。有令丞錄事各一人。唐

因之。加掌皇族次序及刑法事。龍朔二年。改率更寺

為司更寺。改令為大夫。咸亨初。復舊。丞主簿各一人。

丞。後漢率更置丞一人。歷代悉有。唯後周無。唐因隋

掌判禮樂刑罰之事。

主簿。晉置一人。宋無。齊有之。自後無聞。北齊隋又有

之。唐因之。掌印及勾舉。

太子僕 丞 主簿 廐牧署

府秦官。漢因之。又有長丞主車馬。又有太子廐長一人亦主車馬後漢因之而屬少傅。僕如太僕。太子五日一朝。其非太子朝日。卽與中允入問起居。魏因之。晉主輿馬兼主親族。如太僕宗正。從駕乘安車。次家令而屬詹事。宋齊並有之。梁視黃門郎。陳因之。後魏亦有。北齊詹事領僕寺。置令丞功曹主簿領廐牧署令。隋僕寺置僕一人。掌皇族親踈車輿騎乘。領廐牧署令。唐因之。加掌儀仗喪葬。而不掌親族。龍朔二年。改僕寺爲馭僕寺。改僕爲大夫。咸亨初。復舊。丞主簿各一人。統廐牧署。

丞。梁有之。陳因之。後魏。北齊。隋。並有之。唐因之。

主簿。晉置。宋無。齊有之。梁。陳。後魏無。北齊。隋。皆有之。

唐因之。

廐牧署令丞。漢有太子廐長丞屬詹事。後漢亦有而屬少傅主車馬。魏。晉因之。齊。東宮屬有內廐局皆有丞。梁。陳因之。後魏有之。北齊則曰。廐牧署令丞。車輿局丞。隋僕寺統廐牧署令丞。唐因之。掌車馬閑廐牧畜之事。

左右衛率府

副率已下官屬

衛率府。秦官。漢因之。屬詹事。後漢主門衛。徵循衛士。

而屬少傅。魏因之。晉武帝建東宮，置衛率。初曰中衛

率。太始五年，分為左右衛率，各領一軍。惠帝時，愍懷

太子在東宮，又加前後二衛率。晉志曰：凡太子出前衛率，導在前黃麾左

右二率從使導輿車後衛率從在鳥皮外並帶戟執刀其服並視左右衛將軍劉卞為愍懷太子左率知

賈后必害太子乃謂張華曰：東宮雋，又如林四率精兵萬人，公居阿衡之任，若得公命，皇太子入朝，使錄

尚書事廢賈后於金墉。成都王穎為太弟，又置中衛

率，是為五率。及江左省前後率。孝武太元中，又置宋

齊止署左右二率。梁二率視御史中丞，銅印墨綬，武

冠絳朝服。左率領七營，右率領四營。陳有二率。後魏

曰左右衛率。北齊謂之左右衛率坊。後周東宮有司

戎司武司衛等員。隋曰左右率，兼有副率二人。煬帝

改左右衛率為左右侍率，兼置副率二人。唐為左右

衛率府。龍朔二年，改其府為左右典戎衛。咸亨元年

復舊，置率各一人，領兵宿衛，督攝隊伍，總判府事。李

為中書令行左衛率轉兵部尚書。副率二人，掌貳長史各一人。隋置

唐因之，掌通判。自長史以下，胄曹以上，諸率府並同

錄事參軍各一人。隋置。唐因之，掌勾稽監印

倉曹參軍各一人。隋置。唐因之，賞官員假使儀式糧

廩膳羞田園公廨，過所監藥等事。兵曹參軍各一人。隋置。唐因之，掌府內衛事。以上各

帳差科及公私馬驢等

胄曹參軍各一人。隋置為鎧曹。唐長安中改為胄曹參軍。神龍初復為鎧曹。太極中復為胄曹。掌軍器儀仗。公廨營造罪罰。長吏以下官局所領職務。諸率府並同。

親府勳府翊府中郎將各一人。梁左右衛率共領十一營。一率各領殿中將軍十人。員外將軍十人。北齊左右衛坊率各領騎官備身員外。又有內直備身正副都督。隋左右衛率下直閣四人。直寢八人。直齋直後各十人。唐則曰親勳翊三府。各置中郎將左右郎

將各一人。唐置錄事兵曹參軍各一人。

宋制左右衛司禦清道監門內率府率。率府副率。不常置。中興後惟監門率府副率為環衛階官。

左右司禦率府

隋文帝置左右宗衛。其官制如左右衛。各掌以皇族侍衛。煬帝改為左右武侍率。唐復為左右宗衛率府。龍朔二年改為左右司禦衛。後改衛為率府焉。神龍初復為宗衛。景雲二年復為司禦率府。置率各一人。所掌與左右衛率同。副率以下職亦同他准此副率二人。長史錄事及倉兵曹參軍各一人。

左右清道率府

隋有左右虞候。各置開府一人。掌斥候伺姦非。長史以下。如左右衛。煬帝改開府為左右虞候。并置副率二人。唐為左右虞候府。職擬左右金吾。龍朔二年。改為左右清道衛。神龍初。又為虞候率府。開元初。為清道率府。各置率一人。掌斥候道路。先驅後殿。伺察姦非。副率二人。長史。錄事及倉兵曹參軍各一人。宋至道元年。東宮置左清道率府。副率兼左春坊謁者。主贊引。真宗登位省。仁宗在東宮。復以郭承慶夏元率為之。登位復省。

左右監門率府

隋左右監門率。各置一人。掌諸門禁。煬帝改為監門將軍。唐復為左右監門率。擬左右監門龍朔二年。改為左右崇掖衛。咸亨初。復舊。垂拱中。改為鶴禁衛。神龍初。復舊。各置率一人。掌門禁籍。傍副率二人。長史。錄事參軍。及兵曹二曹參軍各一人。

左右內率府

隋置左右率副率各一人。掌領備身以上。所領千牛牛衛禁內侍衛供奉兵仗。唐為左右內率府。龍朔二年。改為左右奉裕衛。咸通初。復舊。各置率一人。掌侍



衛左右供奉兵仗副率長史錄事參軍及兵曹各一人千牛各十六人掌執細刀弓箭宿侍從備身各二十四人掌宿衛侍從龍朔二年改太子左右千牛備身為太子左右奉裕尋復舊

### 太子旅賁中郎將

旅賁中郎將一人職如武賁中郎將宋初置天子有武賁習武訓也諸侯有旅賁禦災害也唐諸帥府初有中郎郎將官永徽元年以太子名忠改諸率府中郎將為旅賁郎將其郎將改為翊軍後或改或省

### 太孫官屬

唐永淳元年三月立皇孫重昭為皇太孫將置府僚高宗召吏部郎中王方慶問曰前代故事如何方慶進曰臣按周禮有嫡孫漢魏以來皇太子在亦不立太孫晉惠帝永寧元年立愍懷太子第三襄陽王尚為皇太孫太子官屬即轉為太孫官屬南齊永明十年立文惠太子長子南郡王昭業為皇太孫便居東宮今皇太子在而立太孫旁求載籍未有前例上曰自我作古可乎對曰五帝不相沿樂苟不失上下之序不虧政理之道亦何事而不可上悅方慶詳求典故官屬乃奏太孫府置師傅友文學祭酒及長史

曹掾主簿管記司錄以下六曹從事等官各加王府一級上後頗以爲疑竟不補授而止

朱子語錄曰或問東宮官屬曰唐六典載太子東宮官制甚詳如一小朝廷置詹事以統衆務則猶朝廷之尚書也置左右二春坊以領衆局則猶朝廷之中書門下省也左右春坊又皆設官又各帥其屬之意崇文館猶朝廷之館閣贊善大夫猶朝廷之諫議大夫其官職一視朝廷而爲之隆殺此等制度猶存今之東宮官屬極苟備左右春坊舊制選賢德者爲之今遂用武

弁之小有才者其次惟有講讀數員而已如贊善大夫諸官又但爲階官非實有職業神宗以唐六典改官制當時亦有不曾討論者如東宮官屬之不備是舊嘗入劄論東宮官制疎略宜倣舊損益之不報

### 六院四轄

#### 檢院

周置大司寇南梁武帝天監元年詔於公府置

唐天寶九載改理匭使爲獻納使後又改知匭使

宋雍熙元年改匭爲檢

東延恩曰崇仁南招諫曰思諫西申寃曰申明北通玄曰

賢招景德四年改為登聞檢院命樞密直學士張詠判

仍差內品監門不得關預公事隸諫議大夫掌受文武官及士民章

奏表疏凡言朝政得失公私利害軍期機密陳乞恩

賞理雪冤濫及竒方異術皆受以通達凡進狀者先

鼓院若為所抑則詣檢院外有理檢院使今不置始於淳化三年置理檢院於

乾元門西北廊以知制誥錢若水領之復唐制也至

道三年廢天聖七年上因讀唐史見匭函達下民冤

枉之事乃置匭函仍專以分記中興之初因舊制置局于闕門之前

舊在宣撫門外仗隸門下省建炎三年專隸諫院南渡以來創治

所於和寧門之下紹興戊寅復承平之制移置居雙

闕之左

登聞鼓院

古者朝有誹謗之木敢諫之鼓所以通治道而來諫

者也宋朝曰鼓司以內臣掌之鼓在宣德門南街

北廊至道三年命太子中舍王濟勾當鼓司用朝臣

勾當自此始景德四年詔改為登聞鼓院掌諸上封

而進之以達萬人之情隸司諫正言凡文武臣寮閣

門無例通進文字並先經登聞鼓院進狀未經鼓院

者檢院不得收接建炎元年因舊制置局于闕門之

前高宗即位於南京召李綱為宰相綱奏曰今艱難

之際四方休戚利害日欲上聞而士民之願効其

智慮者尤多而檢院鼓猶未置三年專隸諫院

進奏院

唐藩鎮皆置邸京師。以大將主之。謂之上都留後。大曆十二年。改爲上都知進奏院官。

五代以來。支郡不隸藩鎮。補人爲者。聽其置邸。隸藩鎮者。兼掌焉。宋緣舊制。皆本州鎮補人爲進奏官。其軍監場務轉運司。則差知後官。則副知掌之。逐州就京師。各置進奏院。太平興國六年。諸州罷知後之名。簡知後官。得李楚等百五十人。並克進奏官。命供奉官張文瓌。提轄諸道進奏院。監官以京朝官及三班使臣克。掌受詔勅及諸司符牒。辯其州府軍監。以頒下之。并受天下章奏案牘。狀牒以奏御。及分授諸司。中興以來。隸門下。後省。給事中點檢。訖乾道九年。依舊隸後省。合傳報事令。後省。錄付報行。

官誥院

宋初於右掖門置院四司。誥身案並集于此。以備中書除改本司郎官。各主其事。淳化五年。始專置官司於內省。凡官誥各以本司誥身印印之。文臣用吏部。武臣用兵部。王公命婦用封。加勳用司勳。掌文武官將校誥身。及封贈官。誥院提舉一人。以知制誥克判院一人。以帶職京朝官克。元豐五年。行官制。文武誥

身屬吏部。蕃官誥屬兵部。封贈及命婦誥屬司封。加  
勲并將校告屬司勳。官誥院四部誥身案。及吏人隨  
事隸本部。七年。并司封司勳誥身案。入吏部預書庫  
收掌。崇寧四年。吏部轉置造官誥局。五年。罷。令尚書  
右選主管。大觀元年。復置。尋改爲官誥院。仍隸左右  
司。三年。復罷。歸吏部。政和三年。六月。詔依舊置官誥  
院。差官二員主管。少府監鑄印記。吏部製造誥身案  
記爲文。中興以來。因仍不改。

### 審記院

宋朝以三司使總邦計。司各有院。以秉中外泉穀出

入之政。蓋會計之府也。然案牘從委典者。不能徧察  
而姦容焉。淳化三年。始用戶部使樊知古奏。別其冗  
籍。復別爲院。置官顯領之。以聽稍食之要貳。置院之  
初。特掌騎兵徒兵。給受之數。猶未及諸司也。元豐三  
年。合步騎兩院爲一。遂以其一主諸司。自宮禁朝廷  
下至斗食佐吏。凡賦祿者。以式法審其名數。而稽其  
辭受。唯郊賜給已。乃審祿有疑。予則詔以法。凡四方  
之計籍。上于大農。則逆其會。凡有司議調度會賦出  
則諏焉。設員二。曰左右聽。分案六。史八人。其名舊爲  
諸軍諸司專勾司。建炎元年。避高宗御諱。改諸軍諸

司審計官

糧料院

宋初仍舊制。以三司大將軍爲都糧料使。自開寶六年。以著作佐郎陸光範克。改用京官自此始。太平興國五年。分諸司馬軍步軍爲三院。八年。以馬軍步軍合爲一院。雍熙四年。命供奉官陳處晦。勾當諸司糧料。供奉官曾祚。勾當馬步軍糧料。自後復分馬步軍爲兩院。或以諸司使副分主之。端拱二年。復以京朝官主之。元豐末。併馬步軍與諸司爲二院。隸太府寺。掌以法式頒廩祿。凡文武百官諸司諸軍俸料。以券

准給。中興以來。行在有諸軍諸司糧料院。鎮江建康。有分差諸軍糧料院。鄂州有分差戶部糧料院。四川總所有分差戶部魚關糧料院。分差利州戶部糧料院。

推貨務都茶場

推貨務。掌折博斛米金帛之屬。以朝官諸司使副。內侍二人監。太平興國中。以先平嶺南。及交趾諸國入貢通關市。議於京師。置推易院。大中祥符中。併入推貨務。建炎中興。又創都茶場。給賣茶引。隨行在所。於權貨務置場。雖分兩司。而提轄監官。並通銜管幹。建炎

四年詔推貨務都茶場依舊隸左右司其提領措尋置並罷其都茶場仍舊提轄推行務官兼行提轄徙越州一務場於建康又併真州一務場歸建康紹興五年詔建康鎮江兩務場只是給賣鈔引三十二年詔三省今後選差文臣克監更不差武臣乾道六年詔依舊通差武臣先是課入不立額唯視舊歲爲等差是歲始明分有定數歲總爲錢二百四十萬萬行都受藏之所爲數八十萬萬于建康者一百二十萬萬于鎮江者四十萬萬

雜買雜賣務

宋朝雜買務舊曰市買司太平興國四年改至道中

咸平中復置以京朝及三班內侍三人監掌和市百物凡官禁官物所需以時供納雜賣務景德四年置掌受內外幣餘之物計直以待出貨或準折支用以內侍及三班二人監後亦差文武朝官紹興六年詔雜買務雜賣場置提轄官一員

文思院

宋朝太平興國三年置掌造金銀犀玉工巧之物金彩繪素裝鈿之飾以供輿輦冊寶法物及凡器服之用隸少府監熙寧三年詔文思院兩界監官立定文臣一員武臣一員並朝廷選差其內侍勾當官並罷

紹興三年。詔少府監併歸文思院。其上下界監官從工部辟差。工部言所轄文思院舊分上下界。監官三員內一員文臣。係京朝官。上界造作金銀珠玉。下界造作銅鐵竹木雜料。欲依舊分爲上下界。從之。隆興二年。詔併禮物局入文思院。

### 左藏庫

掌受四方財賦之入。以待邦國之經費。其原蓋起於周職內主賦入。職歲主賦出。而邦布之入出。則外府又主之。皆其職也。晉始置左右藏令。唐於左右藏分建東西庫。以太府少卿知出納於左。長慶門之

東。宋初左右止一庫。置使領焉。太平興國二年。分爲二庫。淳化三年。分置左右藏各二庫。四年廢右併入左。政和六年。修建新庫。以東西庫爲名。中興因仍東西庫。各以文臣監。武臣同監。其東幣帛絕紬之屬在焉。其西金銀泉券絲纈之屬在焉。紹興二十七年。詔戶部於轄下丞簿內。選一員兼充左藏庫提轄官。此提轄所由始也。孝宗卽位。詔將御前樁管激賞庫撥歸左藏庫。以左藏南庫爲名。專一樁管。應副軍期支遣。於是。有東西南三庫。尋罷南庫。大抵國家用度多靡於贍軍。西蜀湖廣江淮之賦類歸四總領所。



文獻通考 卷六十一  
以餉諸屯。其送京者殆無幾。唯閩浙悉輸焉。東西庫歲入。以端計者。率百四十萬。以緡計者。率二千萬。給遣稱是。而大軍居十之七。宮禁百司。祿賜裁三之間。有非泛浩繁之費。則請于朝。往往出內帑封樁以補所闕。監官凡五人。分帑而治。舊以京朝官爲之。今唯才是用。故四選通得人。

建炎以來。朝野雜記曰。六院官。檢鼓糧審官。誥進奏也。例以京官知縣有政績者爲之。亦有自郡守除者。則繼卽除郎。如鹿伯可是也。故恩數略視職事官而不入雜壓。紹興十一年。胡汝明

以料院除監察御史。遂遷副端。乾道後。相繼入臺者。有宋敦書。蕭之敏。陳升卿。傅淇等數人。而六院彌重。號爲察官之儲矣。淳熙初。龔實之秉政。其內弟林宓。幹辦審計司。遇郊恩。而林尚京秩。乃白上。以六院官。班寺監丞之上。林用是得封贈父母。龔後爲謝廓然所論。南竄。此其一事也。紹興二年。夏。六院官始復入雜壓。在九寺簿之下焉。

又曰。六院官入雜壓事。甲記已具。淳熙四年。旣削去。近歲乃復舉行。其班在五寺主簿之下。太

學博士之上。六院官通計十二人。皆得轉對。但不入品耳。然六院以爲邑有政績者爲之。故例爲察官之選。

又曰。四提轄。謂推貨務。都茶場。雜買務。雜賣場。文思院。左藏東西庫是也。推貨務場。掌醴茗香。鑿鈔引之政令。紹興初。沿宣政舊例。置提領官。率以故省吏爲之。後乃改用士人。行在建康鎮江三務場。歲入凡二千四百萬緡。建康一千二百萬鎮江四百萬皆以都司提領。不係戶部之經費。而在建康鎮江者。分屬總領所焉。開禧末。以總所

侵用儲積錢。始經隸提領官。不屬總所買務賣場。蓋唐官市之遺制。近制凡官禁月料朝省紙劄。文思院之製造。和劑局之修合。皆所取給焉。至若斥左帑封樁之幣餘。編估打套。則賣場掌之。紹興六年。始置提轄官總其事。先是四轄官。外補則爲州。內遷則寺監。丞簿亦有徑爲雜監司。或入三館者。乾道八年十二月推貨王禔除福建市舶左藏王楫除九路鑄錢淳熙七年三月熊子復自文思校書郎近歲望稍輕。往往更遷六院官。或出爲添倅。非曩日之比矣。

總官觀

宋朝設祠祿之官。以供老優賢。祖宗時員數絕少。官制

舊典云。祖宗待臣以禮。雖年及掛冠。未嘗直令致仕。皆以宮觀處之。假以祿耳。熙寧以後。乃

增焉。是時方經理時政。患疲老不任事者廢職。欲悉

罷之。乃使任宮觀。以食其祿。時相王安石亦欲以此

處異議者。遂詔宮觀毋限員。並差知州人。以三十月

為任。

在京宮觀

宋朝舊制。以宰相執政克。使或丞郎學士以上克副

使。兩省或五品以上為判官。內侍官或諸司使副。政和

改武臣官制。以使為都監。又有提舉提點主管官。其為大夫副使為郎。

戚里近屬。及前宰執留京師者。多除宮觀。以示優禮

之意。紹興二十一年。在京宮觀。依在外宮祠。以三十

箇月為任。又紹興五年。詔任在京觀。請給人從。前宰

執依見任。減十分之二。閣學士已上。依六

曹侍郎直學士已上。依中書舍人。太中大夫已上。依

左右司郎中。任樞密都承旨。閣學士已上。依天曹尚

書直學士已上。依六曹侍郎。太中大夫已上。依中書舍人。

宮觀使

唐天寶七載。以給事中楊釗克。九成宮使。宮使之名

自此始。南都新書宋朝祥符中。真宗建玉清昭應宮。王魏

公且為首相。始命克使。宮觀置使自此始。又有景靈

宮會靈觀使。然每為宰相兼職。天聖元年。呂夷簡為

相時朝廷崇奉之意稍緩。因請罷使名。熙寧中富鄭公弼領集禧觀使居洛。此宮觀使居外之所從始也。徽宗建玉清萬壽宮。乃命宰執兼使副。用真廟故事也。近以前宰執奉朝請者。領在京宮觀使。而在外舊相。只除提舉宮觀。非祖宗優待宰相之體。靖康以來。猶未釐正。蓋朝廷未暇講也。政和八年。太師魯國公蔡京。少傅太宰鄭居中。少保少宰余深。檢校太保領樞密院事童貫。並兼克神霄玉清萬壽宮使。知樞密院事鄧洵。武門下侍郎薛昂。中書侍郎白時中。尚書左丞王黼。宣和殿大學士蔡攸。並兼克副使。渡江後

前執政在經筵者。不以官高卑。率爲觀使。若他官則使相已上乃得之。其居外者。必官至三少乃除。淳熙中。崇憲靖王自節度使拜使相。封郡王。中書進熟。擬提舉洞霄宮。周文忠當制。引故事宗室使相。外居者當得觀使。上批如所請。紹熙初。趙文定以使相判潼川府。乞奉祠。乃除醴泉觀使。非舊典也。開禧末。陳勉之以特進罷相。不帶職。乃亦除觀使。蓋章達之侍郎當制失之。翊日李季章進呈。改提舉洞霄宮。合故典矣。天禧以前。崇觀以後。宮觀使之名甚衆。渡江以後。宮觀不復置。而觀使有三。前宰相則得醴泉。宗戚則

得萬壽。又其次則得佑神云。宣政間。又有提點宮觀官。在提舉之下。主管之上。今省。

### 提舉宮觀

宋朝真宗時。東西太一宮提舉。以兩省兩制丞郎官爲之。掌奉齋醮之事。天聖七年。玉清宮災。遂罷使而景靈會靈祥源三宮觀。以學士舍人管勾。李若谷罷參政。爲資政殿大學士。提舉會靈觀。自是學士待制知制誥。皆得爲提舉。晏元獻以舊相提舉萬壽觀。武臣李端愿。止得管勾祥源觀。今朝官亦云提舉。非故事也。

### 文獻通考卷 在外宮觀嶽祠

宋朝宮觀。皆俟力請而後授。侍從而上。任宮觀者絕少。若因責降。改作主管。方且差焉。熙寧初。王安石相。異已者。方直除宮觀。大抵宮觀非自陳。而朝廷特差者。如降黜之例。二年。詔杭州洞霄宮。亳州明道宮。華州雲臺觀。建州武夷觀。台州崇道觀。成都府玉局觀。建昌軍仙都觀。江州太平觀。洪州玉隆觀。五嶽廟。並依嵩山崇福宮。舒州靈仙觀。置管勾。或提舉提點官。四年。詔宮觀嶽廟。留官一員。餘聽如分司致任例。從便居住。六年。詔鄉監職司以上。提舉餘官管勾當者。

又詔年六十以上者乃聽差。毋過兩任。兼用執政。例者。通不得過三任。後蔡京用事。增廣職任。崇寧三年。添官觀十。政和三年。添官觀三十。名見續會要。多不錄。選人亦許乞嶽廟。宣和王黼用事。外開新邊。以熙寧法革之。一切不恤士夫。於是失祿矣。

昔以... 異日... 小... 宋...  
事也  
五...  
五...  
五...

文獻通考卷六十一

鄱陽 馬端臨 貴與 著

職官考

司隸校尉

司隸。周官也。掌五隸之法。辨其物而掌其政令。五隸謂罪

隸四翟之隸也。物謂衣服兵器之屬。帥其民而捕盜賊。漢武帝征和四

年。初置司隸校尉持節從中都官徒千二百人。中都官京

師諸官府捕巫蠱督大姦猾。督謂察視之。後罷。其兵察三輔三

河弘農。晉志曰漢武帝初置十三州刺史各一人。又置司隸校尉察三輔三河弘農七郡。元

帝初元四年。去節後諸葛豐為司隸。又加節。尋復去

之。司隸去節自豐始也。諸葛豐為司隸無所迴避侍中許章以外屬貴幸賓客犯

法與章相連豐欲劾奏適逢章出豐駐車舉節招章曰下欲收之章馳去豐奔車逐之章遂入殿得免因此成帝遂

收豐節成帝元延四年省綏和二年哀帝復置但

為司隸。除校尉字冠進賢冠屬大司空比司直司隸掌察

皇太子以下行馬內事皆主之專道而行專席而坐

初除皆謁兩府。兩府謂丞相御史也唯洎勳初為司隸不肯謁丞相御史大夫後為翟方

奏免又漢書曰鮑宣字子都門經為司隸丞相孔光行園陵官屬行馳道中宣使欽止丞相掾史沒入其

車馬摧辱宰相又王駿為司隸校尉奏免丞相匡衡又蓋寬饒為司隸亦無所迴避後漢復為

司隸校尉所部河南尹河內右扶風左馮翊京兆尹

河東弘農凡七郡治河南洛陽。北齊書曰後漢凡皇族不得典二河蓋忌

其親而惜形跡之地無所不糾唯不察三公。後漢江馮上言宜

三公陳无議以為不宜廷議處九卿上朝賀處公卿

使有司省察公輔乃止鮑永為司隸鮑恢為都官從事並不避強禦詔策

下曰貴戚且當斂手以避二鮑又中常侍王甫曹節

等用事尚書令楊球常唾手拊體曰當令楊球作司隸此輩敢爾後及拜司隸遂表劾王甫自臨考父子

皆死於杖下曹節見甫屍乃收淚入言球罪帝徙為衛校球叩頭曰願假臣一月必令豺狼梟悉伏其

辜又李膺字元禮拜司隸校尉張讓弟朔為野王令貪殘無道畏膺而逃藏讓舍柱中膺率將吏破柱取

朔付獄殺之自是宦官屏氣休沐不敢凡司隸屬官

有從事史十二人其都官從事史至為雄劇主察百

官之犯法者魏晉司隸與二漢同。劉聰借號置左右司隸司隸

於端門外坐在諸卿上絕席其入殿按本品秩在諸

卿下不絕席。初以司隸官屬制置如州儀而俗稱之

司州。見太康記及魏晉乃以京輔所部定名置司州以司

隸校尉統之。及東晉渡江罷司隸校尉官變其職為

揚州刺史。後魏北齊為司州牧。後周有司隸下大夫

掌五隸及徒者。捕盜賊囚執之事。屬大司寇。隋初有

雍州牧。後煬帝置司隸臺有大夫一人。掌諸巡察。薛

道衡為司隸大夫別駕二人。分察畿內。一人按東都

一人按京師。後又罷司隸臺。裴蘊為御史大夫欲重

隸刺史以下官屬而留司隸從事之名。不為常員。臨時選京

官清明者。權攝以行。唐無司隸校尉。而有京畿採訪

使亦其職也

州牧刺史

黃帝立四監以治萬國。唐有九州。舜置十二州有牧。

夏為九州牧。殷周八命曰牧。秦置監察御史。漢興省

之。至惠帝三年。又遣御史監三輔郡察詞訟。所察之

事凡九條。監者二歲更之。常以十月奏事。十二月還

監。其後諸州復置監察御史。文帝十三年。以御史不

奉法。下失其職。乃遣丞相史出刺。并督察監察御史

武帝元封元年。御史止不復監。至五年。乃置部刺史

掌詔六條。察州凡十二州焉。漢制刺史以六條問事

非條所問即不省一條



強宗豪右田宅踰制以強凌弱以眾暴寡二條二千石不奉詔書遵承典制背公向私旁詔守利侵漁百姓聚歛為姦三條二千石不郵疑獄風厲殺人怒則任刑喜則任賞煩擾刻暴剝截黎元為百姓所疾山崩石裂妖祥訛言四條二千石選署不平苟阿所愛蔽賢寵頑五條三千石子弟恃怙榮勢請託所監六條二千石違公下比阿附豪強通行貨賂割損正令居部九歲舉為守相成帝綏和元年以為刺史位下大夫而臨二千石輕重不相準乃更為州牧秩真二千石位次九卿九卿缺以高第補是時何武與翟芳進奏曰古選諸侯賢者以薦位高至九卿所惡立退任重職大春秋之義用貴理賤不以卑臨尊刺史位下大夫而臨二千石輕重不相準請罷刺史更置東帝建平二年復為刺史朱博又奏曰漢家立置郡縣部刺史奉使典州督察郡國吏人安平故事居部九歲舉為守相其有異材功

著者輒登擢秩卑加賞咸勸功樂進令增秩為牧以高第補九卿其中材則苟自守而已恐功效陵夷姦軌不禁臣請罷牧元壽二年復為牧後漢光武建武十八年復為刺史外十二州各一人其一州屬司隸校尉漢刺史乘傳周行郡國無適所治中興所治有定處舊常以八月巡行所部常以秋分行部郡國錄各遣一史迎之界上錄囚徒考殿最初歲盡詣京都奏事中興但因計吏不復自詣京師建武十一年初斷州牧自還奏事雖父母之喪不得去職元嘉元年初聽刺史二千石或謂州府為外臺謝行三年服延喜二年復斷之或謂州府為外臺謝能為外臺之表聽察聲實為九伯之冠靈帝中平五年改刺史惟置牧是時天下方亂豪傑各欲據有州

郡而劉焉劉虞並自九卿出領州牧州牧之任自此重矣。舊制州牧奏二千石。長吏不任位者。事皆先下三公。三公遣掾史按驗。然後出退。光武卽位用法明察。不復委三府。故權歸舉刺之吏。魏晉爲刺史任重者。爲使持節都督。輕者爲持節。皆銅印墨綬。進賢兩梁冠。絳朝服。領兵者武冠。而晉罷司隸校尉。置司州。江左則揚州刺史。自魏以來。庶姓爲州。而無將軍者。謂之單車刺史。庶姓謂非帝族。凡單車刺史。加督進一品。都督進二品。不論持節假節。晉制。刺史三年一入奏。甲午。詔書曰。刺史銜命國之外臺。其非所部而在境者。刺史并糾之。宋與魏同。梁刺史受

之明日。辭官廟而行。皆持節。後魏天錫二年。又制諸州置三刺史。皇室一人。異姓二人。比古之上中下三士也。郡置三太守。縣置三令長。孝文太和中。次職令。自後魏北齊。則司州曰牧。而北齊制州爲上中下三等。每等又有上中下之差。自上上州至下下州。凡九等。後周則雍州曰牧。而制刺史。初除奉辭之日。備列鹵簿。凡總管刺史。則加使持節。諸軍事。以此爲常。及蘇綽爲六條之制。初文帝秉魏政。令百官誦習。其

六條之制其畧曰其

一先治心。心不清淨。則思慮忘生。見理不明。是以治民之要在於清心而已。其二敦教化。其三盡地利。其

四擢賢良其五郵獄訟其六均賦後靜帝大象元年詔總管刺史及行兵者加持節餘悉罷之。隋雍州置牧餘州並置刺

史亦同北齊九等之制總管刺史加使持節至開皇三年罷郡以州統縣自是刺史之名存而職廢後雖有刺史皆太守之互各理一郡而已非舊刺史之職按魏

置使持節寵奉使官之任隋氏廢郡而以刺史牧人既非使官則合罷持節之稱其時制置不以名實相副為意仍舊存之後改為太守亦復不省所以使持節之名及於邊遠小刺史縣令三年一遷諸有兵處

則刺史帶軍事以統之煬帝乃別置都尉領兵兵不屬郡十四年改

九等州縣為上中下凡三等煬帝大業初復罷州置郡為司隸臺大夫一人巡察畿內又有司隸刺史房彥謙嘗為之其

刺史十四人巡察畿外諸郡亦有六條之制與漢六條不同

從事四十人副刺史巡察每年二月乘軺巡郡縣十月入奏。唐武德元年罷郡置州改太守為刺史而

雍州置牧至神龍二年二月分天下為十道置巡察使二十人一道二人以左右臺及內外官五品以下堅明

清勁者為之兼按郡縣再替而代至景雲二年改置按察道各一人開元十年省十七年復置二十二年

改置採訪處置使其有成旅之地即置節度使仍各置印天寶九年三月勅本置採訪

使令舉大綱若大小必由是一人兼理數郡自今已後採訪使但採察善惡舉其大綱自餘郡務所有奏請並委之郡治於所部之大郡為觀察觀察皆并領守不須干及

都團練使其際屬隨事增置分天下為四十餘道大者十餘州小者二三州各因其山川區域為制諸道增減不恒使各沿革不一舉其職例則皆古之刺史云

都督 總管節度團練都統等使附

後漢光武建武初征伐四方始權置督軍御史事竟罷建安中魏武為相始遣大將軍督之而袁紹分沮授所統諸軍為三都督紹以沮授郭圖淳于瓊各典一軍魏武征孫權還又使夏侯惇督二十六軍魏文帝黃初三年始置都督諸州軍事或領刺史又上軍大將軍曹真都督中外諸軍假黃鉞則總統外內諸軍矣明帝太和四年司馬宣王征蜀加號大都督高貴鄉公正元二

年司馬文王都督中外諸軍尋加大都督及受晉禪則都督諸軍為上監將軍次之督諸軍為下使持節為上持節次之假節為下使持節得殺二千石以下持節殺無官位人若軍事得與使持節同假節唯軍事得殺犯軍令者及伐吳之後以賈克為使持節假黃鉞大都督總統六師兼給羽葆鼓吹提幢兵萬人騎二千置左右長史司馬從事中郎增參軍騎司馬各十人帳下司馬二十人大車官騎各三十人大康中都督知軍事刺史理人各用人也惠帝末乃并任非要州則單為刺史庾翼都督征討諸軍事鎮襄陽江左以來都督中外尤重惟王導等權重者乃居之宋氏人臣

則無居者。惟江夏王義恭得假黃鉞。假黃鉞則專戮節將。非人臣常器。又有都督諸州。諸軍事者。則為常職。舊日監某州諸軍事。文帝即位。改監為都督。後魏有都督中外諸軍事。永安以後。近遠多事。置京畿大都督。總攝軍人。立府置佐。後周改都督諸軍事為總管。則總管為都督之任矣。又有大都督。帥都督。都督。至隋。三都督並以為散官。煬帝改大都督為校尉。帥都督為旅帥。都督為隊正。唐武德七年。改上大都督為驍騎尉。大都督為飛騎尉。帥都督為雲騎尉。都督為武騎尉。按此。則都督之名微矣。隋文帝以并益荆揚四州置大總管。并益揚三州以親王臨統。唯荊州以韋世

康為之時。論以為美。

其餘總管府置於諸州。列為上中下三等。

加使持節。煬帝悉罷之。唐諸州復有總管。亦加號

使持節刺史。加號持節。武德元年。諸州總管亦加號

使持節。五年。以洛荆并幽交五州為大總管府。七年。

改大總管為大都督府。總管府為都督府。舊洛州已置都督府。

武德四年廢府置大行臺。復有行軍大總管者。蓋有征伐。則置於

所征之道。以督軍事。自武德以來。亦有元帥之號。太

宗為秦王。加西討元帥。中宗為周王。為洮河道元帥。

睿宗為相王。為并州道行軍元帥。安祿山反。後天寶十五年哥舒翰為

諸道兵馬元帥。其後李光弼郭子儀復為副元帥。李暉李若幽李勉又為兵馬都統。蓋從其宜也。太

極初并益荆揚為四大都督府。開元十七年加潞州為五焉。其餘都督定為上中下等。上都督府五。中都督府十三。下都督府十。

前後制置改易不恒難可備叙。凡大都府置大都督一人。掌所管都督諸州城隍兵馬甲杖食糧鎮戍等親王為之多。遙領

其任亦多為贈官長史居府以總其事。各有長史司馬錄事功曹

以下官屬因員數多少與諸州府有差其職事不異具郡佐篇分天下州縣制為諸

道每道置使治於所部。即採訪使也其邊方有寇戎之地則加以旌節謂之節度使。自景雲二年四月始以

賀拔延嗣為涼州都督。克河西節度使。其後諸道因同此號。得以軍事專殺。行則建節。府樹六纛。外任之

重莫比焉。本皆兼度支營田使。開元九年十一月勅

其河東河北不須別置。並令節度使兼克。有副使一人。副貳行軍司馬一人。申習法令自漢魏至隋總伐

置長史司馬諸曹參軍為之察佐按官置司唐本制大總管乃前代專征之任其察佐亦多同之自後改

為節度大使署副使判官以為察佐如前代長史已下之任然長史司馬及諸曹是曰官各副大使副使

判官乃為使職有所改易合隨府主置大使則有副使已下今若改各使府不合設官克其察吏蓋因授

任者莫詳其源既有副使又置司馬參雜重設遂判為其例况不標於甲令固須區別著定恒視也判

官二人。分判倉兵騎曹四曹事掌書記一人。掌表奏

書曰宋江夏王義恭取丘巨源為掌書記參謀無員。或一人或二人隨軍四

人。分使出入開元中凡八節度使。積西河西隴右朔方河東幽州劍南嶺南此八

節度也後更增加兼改各號蓋古之持節都督江左四中郎將近

代行軍總管之任凡將帥出行兵滿萬人以上則置長史司馬倉兵等曹參軍若萬人

以下員數遞減自至德以來天下多難諸道皆聚兵

增節度使為二十餘道其非節度使者謂之防禦使

以採訪使并領之採訪理州縣防禦軍事初節度

與採訪各置一人天寶中始一人兼領之乾元中始

置都統使監總管諸道或領三道或領五道皆古方

兵牧伯之任也上元末省都統後又改防禦使為節

團練守捉使皆主兵事而無旌節寮屬亦減有副使

一人掌貳使事判官二人分判軍事自永泰以來都

團練使稍有若朝覲則置留後擇其人而任之宋武

加置參謀者義討伯玄既平京口何建業以孟昶為長史總攝後

府事皆留後之任也自事及討司馬休之伐荊州以中軍將軍劉道隣監留

後無代無之不復通舉

都護

漢宣帝地節二年初置西域都護為加官也或以騎

都尉諫議大夫使護西域三十六國有副校尉始以

鄭吉為之後廢至後漢永平十七年復置班超為西

破焉耆尉梨斬其王自是西域降伏納質者五十餘國晉宋以後有都護之官

亦其任也齊書曰廣州西南有二江川源深遠別置

為南粵都護專征討之陳伯超為江西都護沈顯

四大都護府後又加單于北庭都護府麟德元年改

單于都護府置都護一人掌所統諸番慰撫征討斥候安

判府副都護二人掌貳都護事其安長史司馬各一

人錄事功曹倉曹戶曹兵曹法曹參軍各一人參軍

事三人安北單于唯有司馬倉曹兵曹各一人餘

置並不

觀風俗使

唐貞觀八年。分遣蕭瑀。李靖。楊恭仁。王珪。竇靜。李大亮。劉德威。皇甫無逸。韋挺。李襲譽。張亮。杜正倫。趙智等。巡省天下。延問疾苦。觀風俗之得失。察刑政之苛弊。以後不復置。

巡察按察巡撫等使

貞觀二十年。遣大理卿孫伏伽等二十一人。以六條巡察四方。多所舉刺。太宗命褚遂良一其類。以門乃親自臨決。牧宰以下。以能官進擢者二十人。罪死者

七人流罪以下免黜數百人。天授二年。發十道存撫

使。以右肅政御史中丞。知大夫事李嗣真等為之。時

巡天下者皆左右臺官神龍二年。勅左右臺內外五品已上官

識理通明。無屈撓者二十人。分為十道巡察使。二周

年一替。以廉按州郡。景龍二年。置十道按察使。分察

天下。至開元八年。五月。復置十道按察使。以陸象先

王皎等為之。正元八年。以江淮荆襄陳宋河朔水災

遣中書舍人奚陟。左庶子姚齊誥。秘書少監雷成京

兆少尹韋武為諸道宣撫使。賑給災荒。均平賦役。踈

決囚係。懲肅官吏。元和四年。以旱災。復遣左司郎中



鄭敬等爲諸道宣撫使

### 黜陟使

貞觀八年發十八道黜陟大使。二十年遣大理卿孫伏伽等以六條巡察四方。黜陟官吏。開元二十一年遣使以崔翹等爲之。天寶五載遣使以席豫等爲之。至德二載遣使以魏王等爲之。建中元年以庾何等爲之。自建中以後省。

### 採訪處置使

開元二十二年初置十道採訪處置使。以御史中丞盧絢等爲之。仍置印。二十五年命諸道採訪使考課

官人善績。三年一奏。永爲常式。天寶九年勅採訪使但察訪善惡。舉其大綱。自餘郡務所有奏請。並委郡守。不須干及。乾元元年詔近緣狂寇亂常。每道分置節度。其管內緣徵遣。及文牒兼使命。來往州縣。應命非不艱辛。仍加採訪。轉益煩擾。其採訪使置來日久。并諸道黜陟使。宜且停待。後當有處分。其年改爲觀察處置使

容齋洪氏隨筆曰。唐世於諸道置按察使。後改爲採訪處置使。治於所部之大郡。旣又改爲觀察。其有戎旅之地。卽置節度使。分天下爲四十餘道。大者十餘州。小者二三州。但令訪察善惡。

文獻通考 卷六十一  
舉其大綱。然兵甲財賦民俗之事。無所不領。謂之都府。權勢不勝其重。能生殺人。或專私其所領州。而虐視支郡。无結爲道州刺史。作春陵行。以爲諸使。誅求符牒二百餘通。又作賊。退示官吏一篇。以爲忍苦哀歛。陽城守道州。賦稅不時。觀察使數誚責。又遣判官督賦。城自囚於獄。判官去。復遣官來按。舉韓愈送許郢州序云。爲刺史者。恒私於其民。不以實應乎府。爲觀察使者。常急於其賦。不以情信乎州。財已竭而歛不休。人已窮而賦愈急。韓臯爲浙西觀察使。封杖決。安吉令孫澥至死。一時所行。大抵類此。然每道不過一使臨之耳。今之州郡。按制控制者。率五六人。而臺省不預。毀譽善否。隨其意好。又非唐日一觀察使比也。

按野處所言。以爲唐之州縣。不過一使臨之。而宋則有帥漕憲倉四司。故州縣之官。尤難以奉承展布。蓋唐制一道。兵政屬之節度使。民事屬之觀察使。然節度多兼觀察。又各道雖有度支營田。招討經畧等使。然亦多以節度使兼之。蓋使名雖多。而主其事者。每道一

人而已。至宋則監司各自有建臺之所。每司專有長官。專有掾佐。而號令之行於統屬者。始煩矣。然宋之監司雖多。而一司猶不過一人專之也。若夫司存。鼎立。而每司之稱牧伯。刺史者。比肩數人。而以臨乎其郡。每郡則稱守者。比肩數人。而以臨乎其縣。每縣則稱宰者。比肩數人。而以臨乎其民。則其誅求之苛密。奉承之不易。易。又振古所無也。

度支營田使

開元十年。勅度支營田。若一使專知。宜同為一額。共

置判官兩人

元和十三年。詔曰。事關軍旅。並屬節制。務係州縣。悉歸廉察。二使所領。實曰管轄。諸道度支營田。承前各置使。自艱虞以後。名制因循。方鎮授除之時。或有兼帶此職。遂令綱目所在各殊。今日務修舊章。思一法度。去煩就理。衆心為宜。唯別置營田處其使。且令仍舊其忠。武鳳翔。武寧。魏博。山南東道。橫海。邠寧。義成。河陽等道。度支營田使。及淮南度支。近已停省。其餘諸道。並準此處分。初景雲開元間。節度度支營田等使。諸道並不置。又一人兼領者甚少。艱難以來。優寵

節將天下擁旄者常不下三十人例銜節度度支營田觀察四使其邊界藩鎮增置名額者又不一前後六十餘年雖常增減官員及使額而度支營田以兩河諸將兼領故朝廷不議停廢至是群盜漸息宰臣等奏罷之

租庸使

開元十一年宇文融除殿中侍御史勾當租庸地稅使天寶二載陝郡太守韋堅兼知勾當租庸使六載楊國忠加諸郡租庸使至德元年第五琦除監察御史克江淮租庸使廣德元年考功郎中裴諝為河東

道租庸監鐵等使永泰元年京兆尹第五琦奏租庸使請一切並停唯差判官一人巡官二人催遣從之

兩稅使

建中三年初分置汴東西水陸運兩稅鹽鐵使包估崔縱分爲八年以東都河南江淮嶺南山南東道兩稅等錢物令戶部侍郎轉運使張滂主之東渭橋以東諸道巡院並隸滂以關輔河東劍南山南西道財物令戶部尚書度支使班宏主之其後宏滂互有短長宰相趙憬陸贄具以其事上聞由是參用大曆故事如劉晏韓滉所分焉元和四年制令鹽鐵使楊子留後

宜兼克淮南浙西東宣歙福建等道兩稅使。其江陵留後宜兼克荆南。山南東道鄂岳江西湖南嶺南等道兩稅使。度支山南西道分巡院官。宜兼克劔南東西川。山南西道兩稅使。其硤內五監舊屬鹽鐵使。宜割屬度支使。便委山南西道兩稅使兼知糶貨。各奉所職期於悉心。

戶口使

開元十二年。宇文融除御史中丞。克諸色安輯戶口使。天寶四載。戶部郎中王鉞加勾當戶口色役使。

蘇氏駁曰。九寺三監。東宮三寺十二衛。及京兆

河南府。是王者之有司。各勤所守。以奉職焉。尚書省。舊章立程度以頒之。御史臺。按格令採姦濫以繩之。中書門下。立百司之體。要察群吏之能否。善績著而必進。敗德聞而且貶。政有恒而易守。事歸本而難失。經遠之理。捨此奚據。洎姦臣廣言利以邀恩。多立使以示寵。尅下民以厚歛。張虛數以獻狀。上心蕩而益奢。人望怨而成禍。使天子有司守其位而無其事。受厚祿而虛其用。宇文融首唱其端。揚奢矜王鉞。繼遵其軌。楊國忠終成其亂。仲尼云。寧有盜臣而無聚斂。

之臣誠哉是言。前車既覆。後轍未改。求達化本。不亦難乎。

洪氏容齋隨筆曰。楊國忠爲度支郎。領十五餘使。至宰相凡領四十餘使。第署一字。不能盡胥吏。因是恣爲姦欺。新舊唐史皆不詳載其職。案其拜相制。前御云。御史大夫判度支。權知太府卿事。兼蜀郡長史。劔南節度。度支營田等副大使。本道兼山南西道採訪處置使。兩京太府司農。出納監倉。祠祭木炭宮市。長春九成宮等使。關內道及京畿採訪處置使。拜右相。兼吏部尚

書集賢殿崇玄館學士。脩國史。太清太微宮使。自餘所領。又有管當租庸鑄錢等使。以是觀之。槩可見矣。宮市之事。咸謂起於德宗貞元。不知天寶中已有此名。且用宰臣充使也。韓文公作順宗實錄。但云舊事。宮中有要市外物。令官吏主之。與人爲市。隨給其直。正元末。以宦者爲使。亦不及天寶時已有之也。

### 轉運使

唐先天二年。李傑始名務先始爲水陸發運使。蓋使名之起。開元二十一年。裴耀卿以侍中。充江南淮南轉運

使。而崔希逸、蕭晏為副。蓋副使始此。天寶以韋堅克  
勾當轉運使。第五琦克諸色轉運使。劉晏克諸路轉  
運使。其後韓滉、杜棕、杜讓、能、崔昭、緯皆以宰相克使。  
而諸道分置巡院，皆統於此。五代罷巡院，始置轉  
運使。宋朝藝祖開基，懲五季之亂，藩臣擅有財賦，  
不歸王府。自乾德以後，僭偽畧平，始置諸道轉運使，  
以總利權。開寶六年，廣南平，除徐澤為判官，蓋轉運  
判官始此。其轉運使之名，國初但曰勾當某路。水陸  
計度轉運事，官高者則曰某路計度轉運使。太平興  
國初，皆曰使。兩省以上則為都轉運使。又置副使。與

諸路判官焉。又置同勾當轉運事。俄罷諸路副使。真

宗每用兵，或令都部署兼轉運使。王師征討，則有隨  
軍轉運使。事畢即停。至道中，詔曰：天下物宜，民間利

病，惟轉運使得以周知。令更互赴闕，延見詢問焉。慶

曆中，皆帶按察之任。六年罷之。三年詔諸路轉運使  
並兼按察使，每歲具

官吏能否，先是歐陽修請遣使按察，官吏賈昌朝言  
轉運以按察官吏故，令兼而領之。六年赦書以為所  
過煩擾，吏不能安  
其職，遂並罷之。先是判官與轉運爭權而罷。至嘉

祐中，復置熙寧二年，詔轉運使用本資序人，即克資

序下一等為權，二等為權發遣。中興以來，逐路都轉

運使，除授不常。惟使副判官常置。舊制轉運司除授

皆命詞給誥渡江已後例給勅命。後稍復舊。轉運使副命詞運判則否。六年。諸路運判亦命詞給誥。光宗紹熙以來。使副運判不雙除。屬官有主管文字一員。幹辦公事人員。又有準備差遣員多寡不一。

東萊呂氏曰。國初未嘗有監竒之目。其始除轉運使。止因軍興。專主糧餉。至班師。卽停罷。如太祖時平澤潞。則命戶部侍郎高防。兵部侍郎邊光範。克北路。轉運使。用師湖南。則命部判官滕白克南面。給事中沈義倫。克京西。水陸轉運使。是也。至於命何幼冲。克東面。劉仁遂。克西面。曾

翰。克南面。胡玩。克北面。皆水陸轉運使。太宗時。如劉保勳。爲河東。城西四面。轉運使。樂冲。爲太原。管內。水陸轉運使。郭泌。爲御河。至關南。水陸轉運使。王在田。爲陸路。轉運使。崔邁。爲水路。判官。或謂路。或謂道。或曰知。或曰同。或曰同知。或爲幹當。皆緣用武。責以餽運之職也。太祖開寶五年。命二參政事薛居正。呂餘慶。兼領提舉諸州水陸轉運使。明年。薛居正。沈義倫。拜相。呂餘慶去位。遂以居正。義倫。二相兼提舉水陸漕事。累朝以武臣爲帥。守而兼漕事。則太祖朝均州



刺史襄州荆門至石門關。兵馬都總管曹翰。兼西南面水陸轉運使。襄州節度使潘美。廬州節度使尹崇珂。同知廣州軍州事。並兼嶺南轉運使。太宗朝右武衛大將軍濱州團練使。知通利軍。王賓兼河北轉運使。又以賓知揚州。兼發運司。真宗朝定州駐泊都總管山南東道節度使。同平章事王顯。兼河北水陸都轉運使。顯總領定高陽三路。又領河北都轉運使副都總管。侍衛馬步軍都虞候。天平軍節度使。王超克轉運副使。此皆武臣任帥守兼漕也。太祖知容州。毋

守素知邕州。范旻通判桂州。符嗣各知本管轉運事。太宗朝知廣州李符。兼諸州轉運使。知洪州王明。兼江南西路轉運使。真宗朝知益州宋太。初兼川陝四路都轉運使。參知政事。判天雄軍府王欽若。都大提舉江北轉運使。此皆文臣任帥守兼漕也。始轉運一司隸州縣。與夫廢置皆在一時。初無定制。所主掌者。軍須糧餉而已。自高保寅知懷州。州隸河陽。時趙普爲河陽帥。與保寅素有隙。事多抑制。保寅不能平。手疏請罷支郡。會左拾遺李幹亦言諸州藩鎮支

屬州郡多俾親吏掌其關市頗不便於商賈滯天下之貨望不令有所統攝以分方面之權尊獎王室亦強幹弱枝之術也時太平興國二年也遂詔邠寧涇源鄜坊延丹陝號襄均房復鄧唐澶濮宋亳鄆濟滄德曹單青淄兗沂貝冀滑衛鎮深趙定祁等州先隸藩鎮令直屬京師郡長吏得自奏事自是而後邊防盜賊刑訟金穀按廉之任皆委於轉運使又節次以天下土地形勢俾之分路而治矣繼增轉運使判官以京官爲之於是轉運使於一路之事無所不總也

太宗淳化二年五月詔轉運使司命常參官一人糾察州軍刑獄四年十月詔刑獄司宜從省罷委轉運司振舉之以此知轉運司總刑獄之事也真宗大中祥符二年五月廣南西路轉運使言如洪寨主殿直李文著以輕兵掩襲蠻賊文著中流矢死其隨文著將校八人本司並斬訖七年八月梓州轉運使寇瑊言本使公宇在梓遂州去茂瀘地遠或戎人緩急寇邊難於照應請置資州詔從之以此知轉運司總邊防之事也至道元年八月荆湖轉運使何士宗請

執政大臣出領外郡。應合申轉運司公事。只書通判以下姓名。太宗謂宰相等曰。大臣品位雖崇。若出臨外藩。卽轉運使所部。要係州府。不係品位。此朝廷典憲不可輕改。並仍舊。貫由是觀之。轉運使權可謂重矣。然又疑其權太重。復置朝臣於諸路。爲承受公事。是機察漕司也。真宗卽位。省罷承受之官。景德間。遂建提點刑獄一司。實分轉運司之權。又以武臣帶閤職者副之。熙寧中。議罷武臣提刑。或謂真宗時。以武臣提刑。令機察漕司也。監司之官。旣衆所領之職。又

分諸路。復以知州。帶一路安撫鈐轄等名目。自領軍事。而轉運司所職催科徵賦。出納金穀。應辦上供。漕輦綱運。數事而已。仁宗慶曆中。患漕司權輕。令帶按察使。後二年。江東漕臣楊紘。王綽。與提刑王鼎。頗務深刻。號江東三虎。其餘刻轢州郡。窘辱大臣者多矣。朝廷又患之。遂罷轉運按察名。皆非太宗真宗時。委任轉運使之意也。富弼等論帶察使而不察司吏。以朝會速配。率多爲能。又謂轉運使依資循例而入。多非其人。郡縣官守因循。人受其弊。又謂不由舉主擇。

所以大半不才。皆確論也。然而太宗時。轉運使皆人主親自選擇。故淳化五年十一月。上曰。多士滿朝。朕試令索班簿閱之。周行之人。魚貫櫛比。不勝其衆矣。比於其中。求一才中。轉運使三司判官者。了不能得。雖多亦奚以爲。臣以此知轉運使。自人主親擇之也。淳化三年正月。詔宰相參知政事。樞密副使三司使翰林學士尚書丞郎兩省給舍以上御史中丞。各於京朝官內保舉堪任轉運使者一人。臣以是知宰相執政侍從官。皆舉薦人才。而人主親擇之也。神宗

謂文彥博等曰。諸道帥臣轉運使職任至重。一道慘舒係焉。宜謹擇其人。久於其任。漢宣循名責實。須用此道。彥博等對曰。爲治之要。無以易此。故熙寧元豐諸路漕臣。率多舉職。今軍興之際。調度日繁。理不可緩。而諸路轉運使。推擇非才。任用不一。又非慶曆比也。然臣區區之愚。竊謂太宗用李幹之言。罷藩鎮支屬。而委任轉運使。真宗朝。士大夫論列。言其不便者多矣。仁宗景祐三年十一月。詔懷遠軍本隸宜州。自今奏事。無得專達。是亦復支郡之意也。然以今

日之勢觀之。宜修支郡之制。增藩鎮之權。以壯國勢。而一道廉按之任。恐可改也。神宗卽位之初。因知揚州徐緩。告謝甚哀。嘗與富弼曾公亮輩議。分置藩郡。令按察支屬。而大臣無有能上當聖意者。熙豐紹符崇觀政宣。更數十年。不能行神宗之意。盖有待於今日也。不然。則願如太宗之時。盡減監司之目。獨存轉運一司。其親擢舉薦。委任賜予。悉用祖宗初制。仍帶按察之名。其久任如真宗用宋搏於河東。十有一年。不除代者。勞効顯著。則增秩賜金。簡慢不職。則削

官奪賜乘驛入奏。更互赴闕。以至給印曆。却委諸司。一作州長吏書績。皆以太宗真宗爲法。比之復支郡。利害固不同。然亦愈於因循不振之弊也。


### 安撫使

梁武帝普通五年。魏以鄜道元爲大使。慰撫六鎮。大使始此。隋文帝開皇九年。詔遣柱國韋洸。安撫嶺外。又仁壽四年。以楊素爲并州道行軍總管。河北道安撫大使。唐正觀初。遣大使十三人。巡省天下。諸州

水旱則有巡察安撫。存撫之名。節度使兼之。則有副使。天授二年。發十道存撫使職。聖曆中。狄

仁傑為河北道安撫。德宗正元又置副使。宋舊不常置。自咸平二年。以翰林學士王欽若為四川安撫使。知制誥梁顥為陝西安撫使。安撫使之名始此。其後景德三年。始置河北沿邊安撫使。以雄州守臣為之。而陝西沿邊諸州亦有安撫使。慶曆二年。詔置湖南安撫司。八年。詔置河北四路安撫。以韓琦王拱辰賈昌朝等充諸路使。皇祐四年。詔廣桂二州帶經畧安撫使。熙寧五年。罷諸路經畧安撫司。崇寧二年。置河南安撫使。宣和二年置輔郡內。穎昌府帶京西安撫使。宣和三年。臣僚言睦賊猖獗。乞以杭越知州兼本路安撫鎮撫一方。詔杭越州江寧府

守臣並帶安撫使。詔洪州守臣可依江寧府安撫使。凡諸路安撫。逐州知州兼以直秘閣以上充。掌總護諸將。統制軍旅。察治奸宄。以肅清一道。凡兵民之政皆掌焉。帥其屬而聽其獄訟。頒其禁令。定其賞罰。稽其錢穀甲械出納之名籍。其行以法。若事難專決。則具可否稟奏。即干機速邊防。及士卒抵罪。則聽以便宜裁斷。係邊任則緩御夷狄撫寧疆國若甲兵屯戍勿粟餽運則視其緩急盈虛而移用之掌凡戰守之事建炎元年。李綱請沿河沿淮沿江置安撫使。兼馬步軍都總管。以文臣充。二年。令將兵處知州帶管內安撫使。後省。四年。置安撫使。罷逐路安撫使。後罷



鎮撫使置安撫使如故。時諸路又有安撫大使。自兩浙西路劉光世始。二品以上為帥。即為安撫大使。

### 提刑

宋太宗淳化二年。以司門員外郎董循等一十一人分充諸路轉運司提點刑獄。四年省。景德四年。真宗謂王旦曰。朕慮四方刑獄官吏未盡得人。一夫受冤。即召災沴。今軍民事務。雖有轉運使。且地遠無由知。先帝嘗選朝臣為諸路提點官獄。今可復置。仍以使臣副之。於是置諸路提點刑獄公事。以朝臣克始。命屯田李拱為之副。以武臣閣門祗候以上克。天禧四

年。加勸農使。俄改提點刑獄勸農使。又以武臣為副使。天聖六年。悉罷。明道二年。復置。嘉祐中。有武臣同提點河東刑獄。竊用公庫銀器。及樂倡首飭。議者謂武臣不可為監司。罷之。治平元年。罷提點刑獄。而委轉運司。熙寧二年。諸路提點刑獄復差文臣。其武臣並罷。史臣曰。上以武臣罕習吏文。多不足以舉察所部人材。故罷之人。皆以為便。十年。復置提點京畿刑獄。掌察所部疑留獄訟。勸課農桑。而按其官吏之不法。別其廉吏。以達于朝。元豐因之。總郡國之庶獄。核其情實。而覆以法。督治姦盜。申理冤濫。則隸提刑司。歲察所部廉能。而保任之。若疲軟或

冒法則隨其職事劾奏。宣和初。詔江西廣東增置武提刑一員。然遇闕帥不許武憲兼攝。建炎元年。以盜賊未衰。諸路無武臣提刑處。權添差一次。專管捉殺。四年。罷之。孝宗乾道六年。詔諸路分置武臣提刑一員。臣僚乞依故事加同字。不從。於是武憲橫於四方。淳熙末。上知其不便。遂不復除。止除朝臣一員。其屬有幹辦公事一員。檢法官一員。

東萊呂氏曰。太宗皇帝卽位之久。天下無事。淳化二年。五月。詔應諸路轉運使。各命常參官一人。專知糾察州軍刑獄公事。管內州府。十日一

具。囚帳供報。有疑獄未決。卽馳傳以示之。郡縣敢稽留大獄。久而不決。及偏辭按讞。情不得實。官吏用情者。並以聞佐史小吏已下。得以便宜。按劾從事。此初置外路刑獄官之詔也。是時猶隸轉運司。然行之二年。勞擾無補。於是淳化四年。十月。降詔曰。比者申命使臣。分聽獄訟。徒經歲序。蔑有平反。旣莫副於哀矜。諒祇爲於勞擾。其諸路決遣刑獄司。宜從省罷。委轉運司振舉之。真宗景德四年。乃請先帝常選朝臣。諸路提點刑獄。遂復置之。不隸轉運。別爲一司。稍重



其權矣。當時約束曰：所至專察囚禁，詳審案牘。州縣不得迎送，聚會所部，每旬具繫囚犯由訊。鞠次第申報，當檢舉催督。在繫淹久者，卽馳往案問。出入人罪者，移牒覆勘，劾官吏以聞。諸色詞狀，逐州斷遣不當，已經轉運司披斷未允者，並收接施行。官吏貪濁弛慢者，具名以聞，敢有庇匿，並當加罪。仍借緋紫，以三年爲任，增給緡錢。如轉運使之數，內出御前印紙爲曆書績劾。中書樞密院籍其姓名，代還者課議功行賞。如刑獄枉濫，不能摘舉，官吏弛慢，不能彈奏，務從

畏避者，寘以深罪。切覩當日詔旨，專爲刑禁詞訟冤枉。天禧中，已兼勸農一事。至仁廟朝，天聖六年正月，詔令諸路提點刑獄司朝臣使臣交割本職公事，與轉運使副令轉運司條所省事。件以聞，旣罷兩年。天聖八年九月，復置，仍令所至毋得送迎。其吏人約舊數裁減之。降詔十月九日，是月壬申，却權罷。又三年，至明道二年冬，復置。自後提刑一司雖專以刑獄爲事，封樁錢穀盜賊保甲軍器河渠事務浸繁，權勢益重。而轉運司所總，惟財賦綱運之責而已。司局愈多。

官吏益衆。而事愈不治。今日之弊正在按察之官不一也。臣故著提刑廢置約束之詳。以備朝廷採擇。

提舉

卽漢耿壽昌常平之任也。自衛李惺制平糶之法。漢人因之。則謂之常平焉。然漢人特置倉。而猶領之於大司農也。宋朝淳化中。建常平倉。景祐元年。令轉運司舉長史舉所部官專領之。然猶隸漕臣。熙寧遣便提領。此蓋提舉常平之所始也。三年制置三司條。例言河北陝西已差官提舉常平。廣惠倉餘路欲差胡朝。九年。府界畿。宋復侯叔獻曾誼等並爲提舉官。

內亦專置提舉常平倉一員。不令司農丞兼領。提舉

常平司。操常平歛散之法。申嚴免役之政令。治荒修廢。賑民艱阨。則隸提舉司。歲察所部廉能而保任之。

若疲軟或犯法。則隨其職事劾奏。又哲宗正史職官。提舉常平司常平

義倉免役。後市易坊場河渡水利之法。因民之有無。歲之豐凶。而歛散賑濟之。凡後錢視其產之厚薄。人吏廩祿視其執後之重。凡市易掌歛市之不售。貨之滯於民用者。乘其貿易以平物價。皆舉行其政令。以裕民力。而阜邦財。掌按察官吏之事。元祐初。罷。紹聖九年。復置。政和改

元。詔江淮荆浙六路。共置茶鹽提舉一員。宣和三年。詔河北京東路推行新法。鈔鹽可添。置提舉官一員。

此提舉茶鹽之所始也。國朝茶鹽事舊隸發運司。元豐間或以轉運常平官兼提

舉或以提刑兼領知通提既而諸路皆置建炎元年。  
詔提舉常平司併歸提刑司。二年八月復置常平官。  
還其糴本自青苗錢不散外常平免役之政皆掌之。  
三年復置四年詔逐路提刑司茶鹽司並依舊分東  
西路。紹興二年詔荆湖北路復置提舉茶鹽司。四年  
詔廣西茶鹽司官吏並罷其職事委漕臣。五年詔諸  
路提舉常平併入茶鹽司仍以提舉常平茶鹽等公  
事爲名。九年置經制司改常平官爲經制某路幹辦  
常平等公事未幾經制司罷復爲常平官。又之復置  
提舉東南以茶鹽司兼領四川以提刑司兼領。又中興系

年錄紹興十五年戶侍王鐵言常平法望復置提舉  
官乃命諸路茶鹽官改充提舉常平茶鹽准四川廣  
西以憲臣准西京西以漕臣兼領仍令檢乃別置官  
察所部州有擅用常平錢物者按劾以聞。  
吏然常平錢皆取以贍軍今特掌義倉及水利役法  
賑濟等事而已無復平糴之政矣。熙寧初置提舉常  
平司勾當公事於通判幕職內選差一員不妨本職。  
紹興十五年改爲幹辦公事依漕屬例此常平幹也。  
宣和三年置茶鹽提舉屬官一員此茶鹽幹也故提  
舉司存二幹官以此。

文獻通考卷之六十一

終

宣味三平置茶鹽尉舉風官一員此茶鹽領也姑對  
孫興十五平如魚韓繼公事亦置風官此常平領也  
平同以當公事然此舉鄉內豎養一員不故本鄉  
艱齊等事而日無對平縣之如矣熙寧既置對舉常  
吏然常平錢皆以觀軍令耕掌義倉又水保外去  
察視時州府置用常平錢以資對舉以備  
西以憲且並西京西以對且無餘也今制  
官氏命請設茶鹽官如京對舉常平茶鹽並四川興  
平錢孫興十五平兵對王繼言常平去監對置對舉

文獻通考卷六十二

鄱陽 馬端臨 貴與 著

職官考

制置使

唐宣宗大中五年以白敏中克招討党項行營都統  
制置等使制置使之名始此 宋朝不常置掌經畫  
邊鄙軍旅之事政和中熙秦用兵以內侍童貫為之  
宣和末姚古為京畿輔郡兵馬制置使靖康初种師  
道為河東路制置使錢蓋為陝西五路制置使建炎  
元年有招捉盜賊制置使自王始淵三年有行在五

軍制置使自劉光世始。又諸路皆有副使。自江浙陳  
彥文程千秋始。六月浙西安撫使康乂之帶本路制  
置使安撫帶制置自此始也。四年有沿江都制置使。罷  
管江南東路紹興二年有沿海制置使。係建康兩三  
知建康府年有安撫制置使。大使之名自江南六年始鑄印以  
西路大使趙鼎始某路制置司為名。從浙西淮東制置使梁汝嘉所請  
也。其後盡省。惟四川沿海有焉。四川係成都府沿海明州開禧用  
兵起。丘宗卿守金陵留鑰。宗卿嘗以僉樞督視軍馬。  
於是趙淳已為江淮制置。命宗卿為江淮制置大使。  
已而罷四川宣撫。又以安子文為制置大使。朝議以

子文恩數視執政特加大字。屬官有參謀參議主管  
機宜書寫文字各一員。幹辦公事三員。準備將領差  
遣差使各五員。餘隨勢輕重而增損焉。

### 經畧使

唐正觀二年。邊州別置經畧使。此蓋使名之起。節度  
兼支度營田招討經畧使。則有副使判官各一人。儀  
鳳二年。以黑齒常之為河源軍經畧大使。永淳元年。  
婁師德為河源軍經畧副使。至德三年。賀蘭進明除  
嶺南五府經畧兼節度使。建中元年。除元琇節度。始  
不合五府經畧。宋朝不常置。咸平五年。始以右僕

射張齊賢爲邠寧環慶涇原路經略使判汾州諸路  
軍馬並受節度又以鄧州觀察使錢若水爲并代經  
略使判并州自後不除人實元中夏人入寇始命陝  
西沿邊大將皆兼經略皇祐間儂智高擾邊詔知廣  
桂州並帶經略安撫使自後西南二邊常帶經略所  
以重帥權而服羗夷也其經略安撫各以直秘閣以  
上克掌一路兵民之事皆帥其屬而聽其獄訟頒其  
禁令定其掌罰稽其錢穀甲械出納之名籍而行以  
法若事難專決則具可否稟奏卽干機速邊防及士  
卒抵罪則聽以便宜裁斷帥臣任河東陝西嶺南路

職任綏御戎夷則爲經略安撫使南渡之初依舊制  
廣南東路帶主管經略安撫使公事西路帶經略安  
撫使紹興五年令襄陽守臣湖北帥帶經略安撫使  
中書門下省言湖北帥司已移還荆南舊治與襄陽府事體頗同詔王庶許依襄陽例帶經畧安撫後  
罷而二廣如故

### 發運使

宋太平興國二年置江淮水陸發運于京師端拱元  
年罷以其事分隸排岸司至道元年始命洛死副使  
楊允恭西京作坊副使李延遂及太子中允王子與  
爲江淮兩浙發運使兼知制茶鹽事就淮南置局

三年省。咸平二年。鹽鐵判官王子與復爲制置淮南茶鹽。是年令兼制置礬稅。仍領荆湖路。三年。以子與克淮南轉運使。四年。又加都大發運事。兼以淮南轉運使領其務。而無使名。景德二年。復置一人。後亦有二人副使。以諸司副使克。景德二年。置都監。天禧二年。官崇者或爲副使。秩輕者爲都監。副使都監不常備。景祐元年。罷。寶元元年。復。慶曆七年。上命發運副使。更不置正使。置司真州。歲漕江湖粟六百萬斛。以贍中都。渡江後。江湖寇盜多發。運司第職糴買而已。紹興二年。罷。以其錢帛赴行在。入年。起居舍人勾龍

如淵言。戶部非生財之道。請置諸路水陸度支轉運等使。置司蘇杭。戶部侍郎李彌遜請復置發運使。別給糴本錢數百萬緡。廣行儲積。徽猷閣待制程邁爲江湖荆浙閩廣經制發運使。專掌糴事。九年。廢發運司。乾道六年。虞丞相當國。奏復發運司。以戶部侍郎史正志爲江浙荆湖淮廣福建等路都大發運使。朝論不以爲宜。汪聖錫黃通老。二尚書言之尤力。執政不聽。其年十二月。正志以奏課誕謾。遂廢司焉。後復置以平江府守臣兼專領糴運之事。以餉淮軍。

總領

文獻通考 卷六十二  
總領財賦古無其官。宋靖康末，高宗以大元帥駐軍濟州，命隨軍轉運使梁揚祖總領措置財用。然未以官名也。南渡初，嘗命朝臣總領都督府宣撫司財賦。建炎末，張浚用趙開總領四川財賦，始置所繫銜。總領官自此始。紹興三年，差戶部侍郎姚舜明往建康總領應干都督府錢物糧斛。六年，都督諸路軍馬張浚言三宣撫司錢糧漕司互相占愆，因至闕乞於戶部長貳內差一員來鎮江府置司，專一總領。詔差戶部侍郎劉寧止七年，令戶部郎官霍盡前往岳州置局，專一總領岳飛軍錢糧。其後大軍在江上，間遣

版曹或大府司農卿少調其錢糧，皆暫以總領爲名。而四川改置都轉運司，故總領又廢。紹興十一年，諸將旣罷兵，乃收諸帥之兵，以爲御前軍屯駐諸處，皆置總領，以朝臣爲之，仍帶專一報發御前軍馬文字。蓋又使之與聞軍政，不獨職餽餉而已。叙位在轉運副使之上。鎮江諸軍錢糧，淮東總領掌之。建康池州諸軍錢糧，淮西總領掌之。鄂州荆南江南諸軍錢糧，湖廣總領掌之。興元興州金州諸軍錢糧，四川總領掌之。初以胡紉爲司農少卿，總領淮東軍馬錢糧。吳彥璋爲大府少卿，總領淮西江東軍馬錢糧。曾造爲



太府卿總領湖廣江西京西路財賦湖北京西軍馬錢糧諸軍不聽節制。十六年四川總司以總領四川宣撫司錢糧所為名。十八年詔罷宣撫司始改為四川總領。孝宗乾道六年詔准東總領併歸淮西總領。中書門下省言勘會淮東總領所廢併司各合行併司詔以總領兩淮浙西江東財賦軍馬錢糧為各仍鑄印繳納兩司元印七年復置淮東總領官屬有幹辦公事。差遣四川有王管文字二員淮東西有分差糧料院。審計司。審計司通判兼推貨務都茶場御前封椿甲仗庫大軍倉大軍庫贍軍酒庫市易坻當司惠民藥局湖廣有給納場分差糧料院四川有撥發船運官贖藥庫。

糴買場餘並同兩淮

都大提舉茶馬

宋熙寧七年始三司鹽鐵判官李杞三司勾當公事蒲宗閱經畫川蜀買茶克秦鳳熙河路博馬就除提舉成都府路買茶公事杞於秦川宗閱於成都置司後改名都大提舉茶馬事熙寧七年差李杞蒲宗閱成都府買茶熙河路博馬並令杞等提舉置都大提舉及主管同主管各因其資品高下除授云元豐四年群牧判官郭茂恂又言茶司既不兼買馬遂立法以害馬政恐誤國事乞併茶場買馬為一司從之蓋

茶馬司始合於此時也

舊制於源渭德順三郡市蕃馬熙寧七年初復熙河經畧

使王韶言西人頗以善馬至邊其所當唯乏茶與之為市請趣茶馬辦之乃命三司勾當公事李杞運蜀茶至熙河置買馬場云而源渭德順更不買馬於是杞言賣茶市馬一事也乞同提舉買馬杞遂兼馬政然合分不常至元豐四年群牧判官提舉買馬郭茂恂又言茶司既不兼買馬遂立法以害馬政乞併為一司

從之掌收摘山之利以佐邦用凡市馬於蕃夷以茶

易之大觀以來茶馬之政廢川茶不以博馬唯市珠

玉故馬政廢缺

建炎四年張浚奏大石進奉珠玉高宗命曰云云

紹興四年

從關師古之請以乏戰馬始令四川宣撫司支茶博

馬五年密院言已於永康軍威茂州置場七年宰臣

趙鼎言得肯復置茶馬官舊有主管茶馬同提舉茶

馬都大提舉茶馬凡三等上曰考其資歷命之乾道

元年川秦兩司馬額共九千餘匹

茶馬陳彌作言本司買馬川秦兩司

文黎珍叙南平長寧軍本州軍年額川馬五千餘匹係應副江上諸軍階州之峯帖陝西和州之宕昌兩

處年額共西馬四千餘匹川秦兩司者祖宗舊制至今

不廢四年四川宣撫使虞允文奏照得祖宗朝都大

茶馬官於秦州成都各置司居治各半府排發馬月分居秦司乾事即歸川司措置發茶并買馬物

帛之類今欲依舊制於鳳州河池縣置秦司既近宕昌買馬之弊可以稽察從之秦馬舊二萬匹乾道川秦買馬之額

歲為萬有一千九百匹有奇川司六千秦司五千九

百益梓利三路漕司歲應副博馬油絹十萬四千匹

成都利州路十一州產茶二千一百二萬斤茶馬司

文獻通考 卷六十二  
所收大較若此。其後文州改隸秦司。而川司增珍州之額。共爲四千八百九十六。秦司六千一百二十。合兩司爲萬有一千十有六匹。此慶元之額也。嘉泰末川司五場。又增爲五千一百九十六匹。秦司三場。增爲七千七百九十八匹。合兩司爲萬有二千九百九十四匹。然累歲所市。多不及額焉。

### 都大坑冶

唐開元二十五年。監察御史羅文信。克諸道鑄錢使。天寶三載。楊昝。除御史中丞。克鑄錢使。六載。度支郎中楊釗。克諸道鑄錢使。永泰元年。劉晏。克東都淮

南浙江江西湖南山南東道鑄錢使。第五琦。克京畿關內河東劔南山南西道鑄錢使。諸鑄錢監監所在州府都督刺史爲之。副監一人。上佐判之。宋朝自開寶平吳之後。因其舊置錢監于鄱陽。旣而江淮荆浙閩廣之地。皆有監。係發運使兼提點。咸平三年。以馮亮爲江南轉運副使。兼都大提點江南福建路鑄錢事。內供奉官白承睿。同提點鑄錢事。至景祐二年。始置江浙川廣福建等路都大提點坑冶鑄錢一員。

以魏兼爲之。與提點刑獄序官。

按四朝傳榮宗範知

銅皆散爲盜。宋範一切使如故。真宗嘉異擢提點江浙諸路銀銅坑冶與此不同。當考。

元豐二

年三司言江浙等路提點坑冶鑄錢官一員通領九路水陸巡按不周欲增一員分路提點從之遂定為兩司在饒者領江東淮浙七閩在虔者領江西荆湖二廣焉至元祐元年以坑冶鑄錢通為一司從淮南提點李深之請也政和七年置提點鑄錢官兩員於饒虔州紹興二年置虔州提點司從提點王暎之請也雖有上項指揮後來多在饒州置司贛州只係巡歷六年趙伯瑜乞依嘉祐著令街內添都大二字與提刑序官二十六年詔都大提點坑冶鑄錢司官吏並罷令逐路轉運司交割以尚書省言坑冶鑄錢司近年鑄錢全虧一司官吏所費不貲罷之二十七年置提領

諸路鑄錢官於行在差侍從或卿監一員不妨本職兼領置屬官三員以提領諸路鑄錢所為各以戶部侍郎榮堯兼二十九年從左司諫何溥言乃復置以江淮荆浙福建廣南路提點坑冶鑄錢公事繫銜與運判序官依舊於饒贛二州置司輪年守任專以措置坑冶督責鼓鑄為職祖額一百六十餘萬貫孝宗乾道六年併歸發運司八年復置此據提點司題名八年詔鑄錢司依舊置提點官二員於饒贛二州置司除王楫李太正二人九年兩司分認課額將江西南淮南兩浙漳州利州路隸饒王楫等言所有舊坑多係江西却慮饒州一司無從措置欲於江西管內取撥江州吉州撫州興國軍隆

興府知錄饒州司從之淳熙三年併贛司歸饒州王楫專為提

點官加都大焉屬官有幹辦公事一員檢踏官三員

催綱官一員後檢踏增至六員各分認專管職事員一

饒州本司一員信州一員  
建州一員都州一員潭州

提舉市舶

唐有市舶使以右威衛中郎將周澤為之見柳澤勃慶立疏

唐代宗唐德元有廣州市舶使呂太一宋開寶四

年下廣南以同知廣州潘美尹宗珂並兼市舶使通

判謝處珵兼市舶判官咸平二年九月庚子令杭州

明州各置市舶聽蕃官從便熙寧中始變市舶法泉

人賈海外者往復必使東詣廣否則沒其貨海道回

遠竊還家者過半歲抵罪者眾太守陳侂奏疏願置

市舶於泉不報哲宗即位之二年始詔泉置市舶子備

齋之父也備蕃制雖有市舶司多州郡兼領元豐中

始令轉運司兼提舉而州郡不復預矣元豐三年書言廣州市舶

條已修定乞專委官催行詔廣東以轉運使孫迥廣

西以運召陳伯兩浙以轉運副使周直孺福建以轉

運判官王子京迥直孺兼提舉催行倩子京後專置

提舉而轉運亦不復預矣後盡罷提舉官至大觀元

年續置明年御史中丞石公弼請歸之轉運司不報

建炎中興詔罷兩浙福建市舶司歸轉運司明年夏

復閩浙二司。賜度牒直三十萬緡。為博易本。元年十一月廢

二年五月復四年春。復置廣司。尚書省言併廢以來工人不便虧失數多於是詔依舊復

紹興二年。廢福建提舉市舶。初令提刑兼領。旋

委提舉茶事。十二年。朝廷欲措置福建臘茶。時欲發

行在置局出賣。弔斌上言。於是茶事司歸建州。而提舉市舶

以次復矣。十四年。命番商以香藥至者。十取其四。十

七年。詔丁沉香豆蔻龍腦之屬。號細香藥者。十取其

一。乾道二年。詔罷兩浙提舉市舶。逐處職事。委知通

知縣監官同行檢視。而總其數。今轉運司提督。紹興

九年張闓言福建廣南各置務於一州兩浙船務乃分建於五所至乾道初臣僚言兩浙惟臨安明州秀

州温州江陰軍凡五處有市船祖宗舊制有市船處知州兼提舉市船務通判帶主管知縣帶監而逐務又各有監官市船置司乃在華亭近年過明州船船到提舉帶一司吏人留明州數月各為抽解其實播擾且福建廣南皆有市船物貨浩瀚置官提舉誠所當宜惟是兩浙置官委是冗蠹乞賜廢罷從之

### 走馬承受 兼訪使

走馬承受諸路各一員。宋仁宗時置。以三班使臣及

內侍克。隸經略安撫總管司。無事歲一入奏。有邊警

則不時馳驛上聞。然居是職者。惡有所隸。乃潛去總

管司字。冀以擅權。熙寧五年。帝命正其名。鑄銅記給

之。仍收還所用奉使印。崇寧中。始詔不隸帥司。而輒

預邊事。則論以違制。大觀中。詔許風聞言事。政和五

年。詔許風聞言事。政和五

年詔諸路走馬承受體均使華邇來皆貪賄賂類不  
舉職是豈設官之意其各自勵以稱任使或蹈前失  
罰不汝赦明年七月改爲兼訪使者宣和五年詔近  
者諸路兼訪官循習違越附下罔上凡邊機皆先申  
後奏且侵監司凌州縣而預軍旅刑獄之事復強買  
民物不償其直招權恃勢至與監司表裏爲惡自今  
猶爾必加貶竄靖康初罷之依祖宗舊制復爲走馬  
承受

經制邊防財田事

掌經畫錢帛芻糧以供邊費凡權易貨物根括耕地  
及蕃部弓箭手等事皆奏而行之熙寧末以熙河連  
歲用兵仰給度支費用不資始置是司元祐初罷崇  
寧中復置

提舉學事司

掌一路州縣學政歲巡所部以察師儒之優劣生員  
之勤惰而專舉刺之事崇寧年置宣和三年罷

提舉河北糴便司

掌糴便芻糧以供邊儲之用

提舉制置解鹽司

掌鹽澤之禁令使民入粟寨下予鈔給鹽以足民用

而實邊備。以鹽價高下。及文鈔出納多寡之數。皆掌之。

提舉保甲司

掌什五其民。教之武藝。視其優者而進賞之。元豐初。置于開封府界。遂下其法。於河北河東陝西三路。既而悉置提舉官。如府界焉。

提舉三白渠公事

掌瀦泄三白渠。以給關中灌溉之利。撥發司輦運司。以時起發綱運。而督其滯留。以供京師之用。

提舉弓箭手

掌沿邊郡縣射地弓箭手之籍。及團結訓練賞罰之事。政和五年。復置。以所招弓箭手之為殿最。

元祐初。右僕射司馬光。乞罷提舉官。疏曰。天聖中。諸路止有轉運使一員。亦無提點刑獄。惟河北陝西。以地重事多。置轉運使兩員。一路之事。無不總使按察官吏。進賢發姦。興利除害。或朝廷有本路事務。未能細知利害者。則委之相度措置。當時官少民安。事無不舉。公私饒樂。海內晏清。景祐初。始復置提點刑獄。其後。或時置轉運判官。以其冗長害事。尋復廢罷。自王安石執政以來。欲力成新法。



諸路始置提舉常平廣惠農田水利官。其後各置提舉官。皆得按察官吏事。權一如監司。又增轉運副使判官等員數。皆選年少資淺輕俊之士爲之。或通判知縣監當資序。及選人以權發遣處之。有未嘗歷親民。卽爲監司者。能順己意。卽不次遷擢。小有乖違。則送審官院。與合入差遣。更加責降。彼年少則歷事未多。資淺則衆所不服。輕俊則舉措率易。又利祿誘於前。罪戾怵於後。由是徃徃上不顧國家事體。下不恤百姓怨咨。止務希合。以廣進取。致今日天下藉藉如此。皆由此來。則提舉官。乃

病民之本原也。

經總制使

徽宗宣和三年。方臘初平。江浙諸郡皆未有常賦。乃詔除陳亨伯以大漕之職。經制七路財賦。許得移用。監司聽其按察。於是伯亨收民間印契。及鬻糟醋之類。爲錢凡七色。是後州縣有所謂經制錢。自伯亨始也。其後翁端朝繼爲之。紹興初。與發運俱罷。九年。復置以戶部侍郎梁汝嘉爲使。司農少卿霍蠡爲判官。以檢察內外失陷錢物。舉催未到。綱運措置。糴買總領常平爲職。未幾。諫議曹統言其無益而多費。就省

之。紹興中。又有總制司。以參政孟庾領其事。其職略視經制司。

### 招討使

掌招收討殺盜賊之事。不常置。建炎四年。以檢校少保。定江招慶軍節度使張俊。充江南路招討使。定位在宣撫使之下。制置使之上。著爲定制。軍中急速事宜。待報不及。許以便宜行事。差隨軍轉連使一員。參講官一員。幹辦官三員。隨軍幹辦官四員。書寫機宜文字一員。并聽奏碎。紹興五年。岳飛爲湖北襄陽招討。請州縣不法害民者。許一面對移。或放罷以

聞。從之。十二年。兀朮犯三京。以韓世忠。岳飛。張俊。並兼河南北招討使以禦之。三十一年。陝西河東北京東西等路皆置招討使。蓋又特遙領其地而已。

### 招撫使

不常置。建炎初。李綱秉政。以張所爲河北招撫使。未及出師而廢。

三十二年。孝宗卽位。以成閔。張子蓋。李顯忠。三大將爲湖北京西淮東西招撫使。子蓋死。劉寶代之。未幾結局。官吏並罷。開禧二年。山東及京東西北路。並置使招撫。後皆罷。

宣諭使

掌宣諭德音。不預他事。歸卽結罷。紹興元年。詔秘書少監傅崧年。克淮南東路宣諭使。此其始也。二年。分遣御史五人。宣諭東南諸路。戒其興獄責其不當。督捕盜賊。皆欲專一布惠以爲民。其後右司范直方。宣諭川陝察院。方庭實宣諭三京。均此意。及新復陝西。樓炤以僉書樞密院事。往永興宣諭。就令招撫盜賊。鄭剛中爲川陝宣諭使。許按察官吏。汪徹爲湖北京西宣諭使。仍節制兩路軍馬。自是使權益重。而使事始不專。三十二年。虞允文王之望相繼克川陝。宣

諭使皆預軍政。其權任殆亞於宣撫。其後錢端禮吳芾皆以待從出膺斯寄。事畢。結局官屬軍兵視其所任事之輕重爲賞之厚薄焉。開禧間。薛叔似鄧友龍吳獵皆因飢荒盜賊及平逆亂後。往敷德意。亦皆以從官行。

撫諭使

掌慰安存問。採民之利病。條奏而罷行之。亦不常置。建炎元年。上謂輔臣曰。京城士庶自金人退師。人情未安。可差官撫諭。於是。以路允迪耿延禧爲京城撫諭使。此置使初意也。是年八月。又令學士院降詔。且

命江端友等奉詔撫諭諸路。其後李正民以中書舍人爲江浙湖南撫諭使。且令按察官吏伸民冤抑。傅崧卿以吏部侍郎爲淮東撫諭使。採訪民間利病。及措置營田等事。或不以使名。則稱撫諭官。所至以某州撫諭司爲名。具宣恩言。俾民知德意。初無二致。乾道元年。知閤門事龍大淵差克兩淮撫諭軍馬。回日結局。是又特爲軍馬出云。

### 鎮撫使

舊所無有。中興假權。宜以招收群盜。初建炎四年。范宗尹參知政事。議群盜併力以拒官軍。莫若析地

以處之。盜有所歸。則可漸制。乃請稍復蕃鎮之制。其年五月。宋尹爲右僕射。於是請以淮南京東西湖南北諸路。並分爲鎮。除茶鹽之利。仍歸朝廷。置官提舉。外。他監司並罷。上供財賦。權免三年。餘聽帥臣移用。更不從朝廷。應副軍興。聽從便宜。時劇盜李成在舒。斬桑仲在襄鄧。郭仲威在維揚。許慶在高郵。皆卽以爲鎮。撫使其餘。或以處歸朝之人。分畫不一。許以能捍禦外寇。顯立大功。特與世襲。官屬有參議。官書寫機宜文字各一員。幹公事二員。並聽奏辟。後諸鎮或以戰死。或降僞齊。久之。但餘荆南解潛。及趙鼎爲相。

召潛主管馬軍。遂罷弗置焉。

按古者牧伯之任。後世之所謂監司也。隋以前多謂之刺史。自唐以刺史名知州。而後牧伯始別有以名其官。蓋唐之初。止有上中下都督府。其後則有節度觀察團練諸使。宋之初。止有轉運使。其後則有安撫提刑等官。然唐宋中世以後。監司尤多。蓋唐之多設監司也。起於開元。天寶之興利。如楊國忠爲宰相。所領四十餘使。及元道州言到官未五十日。諸使徵求符牒二百餘封是也。宋之多設監

司也。起於熙寧。元豐之行新法。如蘇公所謂使者四十餘輩。事少員多。人輕權重。及溫公所謂提舉司。乃病民之本源是也。又有倥偬之際。因事置官。事已遂廢者。前輩所著職官之書。多所不載。今以會要及史志參考。列唐營田度支兩稅租庸等使。於都督節度觀察之後。列宋諸項提舉錢總制招討諸使。於轉運安撫提刑等官之後。庶可以備見當時設官廢置之本末云。

總論州佐

別駕  
功曹書佐

治中

部郡從事

主簿  
典郡

書佐 祭酒從事 中正

州之佐吏。漢有別駕、治中、主簿、功曹、書佐、簿曹。從事

史主錢 兵曹 兵曹從事。史有軍馬 部、郡國從事、史典。穀簿書

書佐等官 又有孝經師主監試。經月令師 皆州自辟

除通為百石 又後漢書或 職與司隸官屬同。唯無都

官從事。漢魏之際復增祭酒、文學從事員。晉又有武

猛從事員。其州邊遠有山險焚賊 歷代職豆相因襲

雖小有更易。而大抵不異。自魏晉以後。刺史多帶將

軍開府。則州與府各置僚屬。州官理民。別駕治中 府

官理戎。長史司馬 後魏舊以州牧親人。班九條之制

使前政選吏以待後人。獻文帝革制。刺史守宰到官

之日。仰自舉擇以為選官。若簡在失所。以用上論。自

孝明孝昌以後。四方多難。刺史太守皆為當部都督。

雖無兵事。皆立寮佐。頗為煩擾。高隆之乃表謂自非

邊要。見有兵馬者。悉皆斷之。北齊上上州刺史屬

官佐吏。合三百九十三人。以下州遞減十人。其州郡

佐吏。皆州府辟除。及後王失政。賜諸佞幸。賣官分州

郡。下逮鄉官。多降中旨。故有勅用州主簿。郡功曹者。

後周刺史府官。則命於天朝。州吏並牧守自置。至隋

以州為郡。無復軍府。則州府之文。變為郡官矣。唐

無州府之名。而有採訪使及節度使。節度使說在都督篇採訪

使有判官二人。分判尚書六行事及州縣簿書支使二人。分使出入

使之推官一人。推鞠獄訟皆使自辟召。然後上聞。其未奉

報者稱攝。其節度防禦等使事佐辟奉之例亦如之今舉州之舊職以列

于左。舊職謂隨以前官職

別駕從事史一人。從刺史行部。別乘乘傳車。故謂之

別駕。漢制也。歷代皆有。後漢周景為荊河州辟陳蕃為別駕蕃不受景題別駕輿

日陳仲舉坐不復更辟蕃惶恐起視職別士傳曰孔

恂字巨卿為別駕別駕車舊有屏星如刺史車刺史

因怒欲去別駕車屏星怕曰徹去屏星毀國舊儀別

駕可去屏星不可省乃止庾亮集答郭豫書云別駕

舊與刺史別乘同流宣王化於萬里其伍居刺史之

半梁時別駕官品揚州視黃門郎南徐州待散騎常

侍。隋並唐並為郡官。治中從事史一人。居治中事。主眾曹文書。漢制也。歷

代皆有。隋為郡官。唐改為司馬。說在佐後

主簿一人。錄門下眾事。省署文書。漢制也。歷代至隋

皆有。功曹書佐一人。主選用。漢制也。其司隸功曹從事史

兼錄眾事。應劭漢百官表曰司隸功曹晉以來改

曹為西曹書佐。宋有別駕西曹主吏及選舉。即漢之

功曹書佐也。

部郡國從事史。每郡國各一人。漢制也。主督促文書

舉非法。後漢喬玄字公祖為梁縣功曹荆河州刺史周景行部到梁國玄謂景因伏地言陳相羊罪罪惡乞為部郡從事窮理其罪景壯玄意即署遣之玄到具考威罪梁冀馳驛救之景承旨召玄還使至不發按之益急景坐攬車徵玄由是著名又朱震字伯厚為州從事奏濟陰太守單匡賊罪三府諺曰車如雞棲馬如狗疾惡如風朱伯厚

典郡書佐每郡國各一人漢制也各主一郡文書以郡吏補歲滿更祭酒從事史漢魏以來置宋世分掌諸曹兵賊倉戶水鎧之事自江左揚州無祭酒而以主簿治事

中正陳勝為楚王以朱房為中正而不言職事兩漢無聞魏司空陳群以天臺選用不盡人才擇州之才

優有昭覽者除為中正自拔人才銓定九品州郡皆

置吳有大公平亦其任也吳晉溫為荊州太公平太

尚書僕射代溫為公晉宣帝加置大中正故有大小

中正其用人甚重舉劉毅字仲雄年七十已告老後

致任不宜勞以碎務孫尹表曰司徒魏舒司隸嚴詢

與毅年齒相近管四十萬戶州兼董司百僚總攝機

要議者不以為劇毅志氣聰明一州品第不足勞其

思慮毅遂為州都銓正人流清濁區別其所彈詆自

親貴始又干寶稱晉宣帝除九品置大中正晉人曰

大小中正為內官者聽月三會議上東門外設幔陳

席又劉毅上表刺史初臨州大中選州里本業高

者兼主簿從事迎刺史若吏部選用猶下中正問人

事所在父祖位狀又晉起居注曰僕射諸葛恢啓稱

州都大中正為吏部尚書及郎司徒左長史掾屬皆

為中正臣今領吏部請解大中正齊梁亦重焉

文獻通考

卷六十一

三



侍中光祿大夫領太子詹事後魏有之孝文云中正

揚州大中正開尚書八條事之任必須得

才業兼資者大武帝北齊郡縣皆有其本州中正以

時崔浩為冀州中正京官為之乾明中邢劭為中書監同郡諫惇與鄧荒

隋有州都其任亦重本州中正遂憑附宋欽道出劭為刺史

容齋洪氏隨筆曰唐世士人初登科或未仕者

多以從諸藩府辟置為重觀韓文公送石洪温

造二處士赴河陽幕序可見禮節然其職甚勞

苦故亦或不屑為之杜子美從劔南節度嚴武

辟為參謀作詩二十韻呈嚴公云胡為來幕下

只覺在舟中束縛酬知己蹉跎效小忠周防期

稍稍太簡遂忽忽曉入朱扉啓昏歸畫角終不

成尋別業未敢息微躬會希全物色時放倚梧

桐而其題曰遣悶可知矣韓文公從徐州張建

封辟為推官有書上張公云受牒之明日使院

小吏持故事節目十餘事來其中不可者自九

月至二月皆晨入夜歸非有疾病事故輒不許

出若此者非愈之所能也若寬假之使不失其

性寅而入盡辰而退申而入終酉而退率以為

常亦不廢事苟如此則死於執事之門無悔杜

韓之旨大略相似云

又曰唐世節度觀察諸使。辟置僚佐。以至州郡。差掾屬牒。語皆用四六。大略如誥詞。李商隱樊南甲乙稟。顧雲編稟。羅隱湘南雜稟。皆有之。故韓文公送石洪赴河陽幕府序云。撰書辭具馬幣。李肇國史補。載崖州差故相韋執誼攝軍事。衙推亦有其文。非若今時。只以吏牘行遣也。

### 簽判

唐制節度觀察判官。宋有兩使防團軍事推判官。皆以選人克。太平興國中。以贊善大夫十五員克。諸州節度判官。以王化基。韋亶。武元穎等爲之。蓋太宗

以諸州戎幕缺官。選朝士補之。俾分理事。且試其才。此簽判所由始也。蓋選人則爲判官。京官則爲簽判。掌裨贊郡政。總理諸案文移。斟酌可否。以白于其長。而罷行之。凡員數多寡。視郡小大。及職務之繁簡。初政和。改簽書判官廳公事爲司錄。建炎初復舊。凡節度推判官。從軍額推察。及支使從州府各。凡諸州減罷通判處。則升判官爲簽判。以兼之。小郡推判官。不並置。或以判官兼司法。或以推官兼支使。亦有併判官。窠闡省罷。則令錄參兼管。凡要郡簽判及推官。皆堂除。爵吏部使改。二廣間許監司辟差。紹熙元

年。臣僚言廣西奏擬簽判。多恩科瘡老。乞行下轉運司。不許差年六十以上昏眊之人。嘉定二年。臣僚言。監司有幹官。州郡有職官。以供簽廳之職。或非才不勝任。則按刺易置可也。今乃差兼簽廳者。動輒三兩員。或四五員。其為冗費與添差何異。乞將諸州郡所差兼簽廳官。並行住罷。從之。

### 書記支使

自魏以來有其名。魏太祖以陳琳阮瑀為司空軍謀祭酒管書記。室宋江夏王濬取丘  
臣源為陳有文房書記之任。南史趙知禮蔡景歷屬陳武帝經論之曰  
唐景陽中。元帥府置掌書記一人。節度使亦置焉。掌

朝聘問慰薦祭祀祈祝之文。與號令升納之事。

後唐長興中。有書記支使。宋朝乾德二年。詔歷兩

任有文學者。許兩使留後。奏克掌書記。詔曰。管記之任。資序頗優。

自前藩鎮。薦人多。自初官除授。自今歷職兩任。以上有文學。即許節度使觀察使留後。奏克太平

興國六年。詔諸節度州。依舊置觀察支使一員。資考

並同掌書記。自今吏部除擬以凡書記支使。不得並

置。有出身曰書記。無出身曰支使。位在判官之下。推

官之上。

### 推判官


唐天寶後有判官之名。未見後唐長興二年。詔有兩

使判官防團推官軍事判官等。是時判官多本州自  
辟舉。清泰中始擇朝士為之。宋朝沿五代之制。兩  
使置判官推官各一人。餘州置推判官各一人。元祐  
府判官至軍監判官  
為幕職官皆從入品政和初自判官至諸曹改為士  
戶儀兵刑工曹掾。建炎復舊制焉。

按州之名起於虞。十有二州。後世刺史之所治  
是也。郡之名起於秦。三十六郡。後世太守之所  
治是也。隋廢郡以州統縣。然郡卒不可廢也。至  
唐而復之。然唐太守俱稱刺史。使持節。蓋所治  
者太守之事。而所稱則州牧之官矣。故所謂治

中別駕之屬。其在歷代本州之佐官也。唐郡守  
稱刺史。而遂以治中別駕為郡官屬矣。然唐州  
牧之官為節度觀察諸使。而其屬官則有推官。  
判官書記支使之屬。至宋而節度觀察特為貴  
官之虛名。初不預方岳之事。而州牧之任則自  
有閫帥漕憲等官。而各臺又自有掾屬。若唐節  
度觀察之屬官。則反為列郡之元僚。蓋雖冒以  
節度推官觀察推官判官書記支使等名。而實  
則郡僚耳。故叙其職於州佐之後。而不並之於  
戶曹理掾之流。存其舊也。





史職察之屬官。限又為限。限之云。蓋職員以  
 有聞。相。曹。憲。等。官。而。各。臺。又。自。有。對。屬。若。謂。前  
 官之。監。各。限。不。能。不。而。此。外。之。升。限。自  
 限。官。書。時。支。對。之。屬。至。宋。而。前。史。職。察。其。為。貴  
 外。之。官。為。前。史。職。察。前。對。而。其。屬。官。限。有。對。官。  
 蘇。陳。史。而。後。以。中。限。為。為。限。官。屬。矣。然。唐。限  
 中。限。為。之。屬。其。升。限。之。式。官。也。唐。限。守

